



曾文正公詩文集

曾文正公詩集



卷之...



曾文正公  
詩文集

四部叢刊集部

上海涵芬樓景印  
原刊本原書板正  
高營造尺六寸六  
分寬四寸四分

曾文正公詩集目錄

卷一

四言

題楊忠愍公二疏手草

題易公筠亭遺像

五言古

雜詩九首

里胥

送吳榮楷之官浙江三首

題錢崙仙同年慈竹平安圖二首

寄懷劉孟容

題周小邨前輩塞外課經圖  
地用莫如馬二章思賢也

題龍九詩

贈李生

西征一首呈李石梧前輩

留侯廟

柴關嶺雪

廢邱關

岱雲同年喪妻爲此詩譬之

寄弟

乙巳春闈謝戴醇士前輩畫竹

請醇士前輩畫竹歸貽樹堂題詩一首

又贈筠仙一幅

送王子壽歸荊州五首以高步追許由爲韻

送陳岱雲出守吉安

丙午正月二日作

題箕谷圖

送王孝鳳之雲南卽題其尊人松菊圖

題錢崙仙難燭修書圖

題孫君采芝圖二首

謝陳慶覃侍御

小池

茲晨

失題

題泛海圖

秋懷詩五首

謝薛曉颿

送舒伯魯

劉安詩

送莫友芝

題彭旭詩集後卽送其南歸二首

丁未六月廿一爲歐陽公生日集邵二寓齋分韻得是  
字

送黎樾喬侍御南歸五首

題季仙九師采蘭菽菊圖

題朱伯韓詩集後十首

送黃恕皆使秦中

北堂侍膳圖爲姚吏部題二首

題陳氏五世鄉賢遺像

韓齋爲孔舍人題

桐陰消夏圖爲史吏部題

題苗先麓寒鐙訂韻圖

養閒草堂圖爲潘博士題

陶太常小像

會合詩一首贈劉孟容郭伯琛

王母方太夫人詩

贈李眉生

題俞蔭甫羣經平議諸子平議後

訓王壬秋徐州見贈之作

卷二

附 伎求詩二首

七言古

謝疊山賣卜研爲劉太守題

送凌九歸

送楊春皆歸

題毛西垣詩集後卽送之歸巴陵五首

題顧南雅先生畫梅應何子貞

傲奴

瑣瑣行戲簡何子敬乞醃菜

反長歌行

題畫蘭三首應田敬堂同年

贈何子貞前輩

題唐鏡海先生二圖

感春六首

爲何大令題明趙忠毅公鐵如意

喜筠仙至卽題其詩集後

六月二十八日大雨馮君樹堂周君苻農郭君筠仙方

以試事困於場屋念此殆非所堪詩以調之

苻農旣和余詩而三子者皆見錄於有司乃復次韻

題明陳忠愍公雪聲堂硯爲唐觀察樹義作

題醇士前輩爲滇生師畫竹疊前韻

訓岷樵

移居偶成

陳慶覃詩鈔題辭三首

憩紅詩課戲題一詩於後

書朱皋亭家傳後

送周文泉大令之官城武

送凌十一歸長沙五首

送謝果堂前輩歸江南



題王少鶴復砧課讀圖

丙午初冬寓居報國寺賦詩五首

酬李生三首

次韻戴醇士邵蕙西見過

題平谷山莊圖

題王麓屏扁舟歸養圖二首

書嚴太守大關賑糶詩後

送黎樾喬侍御南歸

題張石舟煙雨歸耕圖

太學石鼓歌

題朱伯韓侍御之尊人詩卷手蹟

題蒼筤谷圖

答李生

題唐本說文木部應莫邵亭孝廉

贈吳南屏

游金山觀東坡玉帶詩

卷三

五言律

早起憶九弟二首

得郭筠仙書並詩卻寄六首

詩集目錄  
卷之五  
寄弟三首

獨出

訪苗先麓

懷劉蓉

歲暮雜感十首

桂湖五首

至日二首

雨

送吳英樾之官浙江兼簡魏黃生大令三首

送鄧伯昭兼簡家伯醇秀才三首

莫過竹如

東鄰杜氏義塾

送王少鶴

送金竺虔之官闔中

七言律

歲暮雜感十首

寄郭筠仙浙江四首

三十二初度次日書懷

憶弟二首

漫與

詩集目錄  
聞客話里中近事

元戎

溫甫讀書城南寄示二首

早發沔縣遇雨

初入四川境喜晴

梓潼道中有懷馮樹堂陳岱雲

早發武連驛憶弟

三十三生日三首

國士橋

哭少時同學某

送妹夫王五歸五首

訓九弟四首

贈梅伯言二首

夜直苦寒

吳宮黃病中屬市鹿尾

臘八日夜直

失題四首

丁未六月七日考試漢教習試院作二首

武會試闈中作

送孫芝房使貴州二首

書邊襲后詩集後二首

送梅伯言歸金陵三首

誦李芋仙二首

次韻何廉昉太守感懷述事十六首

讀吳南屏送毛西垣之卽墨長歌卽題其集

五言絕句

讀李義山詩集

七言絕句

入陝西境六絕句

題畫竹次醇士前輩韻二首

送唐鏡海先生九首

壬戌四月沅弟克復巢縣和州含山等城賦詩四首

沅甫弟四十一初度

曾文正公詩集卷一

四言

題楊忠愍公二疏手草

古孰無死曾不可班輕者鴻毛重者泰山楊公正氣充塞兩閒  
遺文妙墨深播人寰馬市一疏聲振薄海更擊賊臣五奸十罪  
心追逢比身甘菹醢取義須臾歸仁千載翩翩諫草猶存手毫  
古柏擎空似枯彌好鬱此英風輔以文藻長有白虹燭茲瓌寶

題易公筠亭遺像

昔歲在丑喆人西遊我作挽辭比許文休馬磨旣甘不競不綵  
亦有月旦胸剖九流東崖奉親朝戲綵舞暮歸讀書羣言藻斧

鄉闈屢試爨無完桐文章憎命淚灑秋風不於其躬迺祚其子  
濯濯芳蘭芥拾青紫弓冶不墮載述先芬瞻言遺像永播青塵  
五古

雜詩九首

早歲事鉛槧傲兀追前軌張網挈陔維登山追岷巖述作窺韓  
愈功名鄴侯儼三公渺如稊萬金睨如屣腸胃鬱千奇不敢矜  
爪觜稍待蘭蕙滋烈芬行可喜豈期搥駑駘前驅不踰咫滔滔  
大江流年光激若矢春秋三十一頑然亦如此染絲不成章橘  
遷化爲枳壯盛百無能老蒼真可恥樗散吾所甘多是慚毛裏  
西山何鬱鬱白日馳昭昭六街淨如練雙闕凌神霄沈沈府中

居員井鏤瓊瑤累恩周四角窗霧漾鮫綃公子盛文藻九陌鳴  
金鑣羣從袂成幄掠風馬蹏驕紅燭舞絳雪會宴皆金貂朝餐  
羅鯖鯉晚衙沸笙簫今夕旣相酢明日還見招天高地則厚何  
事不逍遙

手輒不烘熨足趼不趨徑問我何自苦我歌君且聽激湍無駐  
波止水光凝凝榱棟與構榼豈曰非天定東蒿代虹梁於道未  
爲稱朝菌濡濃露天天不及暝適意一須臾骨朽猶詬病可憐  
繁華子醉夢幾時醒炫妝豈無服自媒羞妾媵已矣吾何營閉  
戶覽明鏡

傷禽悲弦聲遊魚驚月影丈夫貴偏強女子多虛警強弧有時

弛夷塗有時梗颶風揚海濤潮平已復靜君子別有憂眾人恐未省

霜落萬瓦寒天高月浩浩美人在何許相思心如擣我昔覲美人對面如蓬島神光薄軒墀朱霞蕩初曉彩鳳儀丹青顧視無凡鳥意密恩還疏微誠不敢道貽我彤管煒粲兮希世寶可憐金屋恩長門闕秋草謠詠日以多覲閔曾不少寵眷難再得蛾眉行衰老區區抱私愛夜夜祝蒼昊

天雞鳴半夜六合未清曉烏鵲鳴向晨羽毛誇矯矯一旦金丸驚戢翼暗百鳥鴟鴞流惡聲萬方憂集蓼青蠅鳴棘樊繆彰復虛鼎間鳴百無補嗟爾秦吉了蝮蠃草間鳴亂人徒擾擾

入門忽怳怳出門復皇皇嗟我素心人各在天一方庸夫厭鼎食誼士謀糟糠奔走徧天下歸去仍空囊秋老江湖闊何以慰淒涼勿勞我之思我今足稻粱所憂非所職所樂殊未央日暮登高邱四顧何茫茫落葉東南飛孤雁西北翔思君不得覲慘澹詠斯章

松柏翳危巖葛藟相鉤帶兄弟非它人患難亦相賴行酒烹肥羊嘉賓填門外喪亂一以聞寂寞何人會維鳥有鷦鷯維獸有狼狽兄弟審無猜外侮將予柰願爲同岑石無爲水下瀨水急不可磯石堅猶可磕誰謂百年長倉皇已老大我邁而斯征辛勤共麤糲來世安可期今生勿玩愒

誰能烹雋燕我願燎桑薪誰能釣巨鼈我願理其綸南澗芣蘋  
藻可以羞鬼神大材與小辨相須會有因嗟余不足役豈謂時  
無人

里胥

牛羊忽竄突邨社雜喧逐昨聞府牒下今見里胥來召募赴戎  
行羽檄馳如雷後期不汝宥行矣胡遲迴老嫗搥胸哭哭聲亦  
何哀龍鍾六十餘伶仃惟一兒弱小不識事黃犢母之隨筋力  
儻可食或免一家飢薄命不足惜兒去傷永離老嫗泣未闌老  
翁跪致辭王事亦云棘婦人那得知螻蟻穴寸土自荷 皇天  
慈 天威有震疊小人敢疑猜貧者當敵懷富者當輸財便當

遣兒去不勞火急催所媿無酒食與吏佐晨炊貧者勉自效富  
者更可悲隸卒突兀至誅求百不支禱禱紈袴子纍纍飽鞭笞  
前卒貪如狼後隊健如犛應募幸脫免傾蕩無餘貲吁嗟 朝  
廷意兵以衛民爲守令慎其柄無使胥吏持此輩如狐鼠藜藜  
肆恣睢聊爲道人徇敢告良有司

送吳榮楷之官浙江三首

讀書三十年今來始一試自抱輪囷材構廈隨所置世人苦寒  
儉舞裊先擇地斤削不能遷罍盜各自器君子儲百用多藏如  
列肆深厲與淺揭所向皆如志君本青雲士摩空排健翮置之  
承明廬枚馬當偃幟才多厭閒散翩然去作吏方今清華秩駢



言集卷一  
四  
毋僅云備不如膺專城張弛從吾意觀魚莫結網網過酷於餌  
治絲莫求多緒多亂神智 聖朝淪洽恩陬溘實漸被可憐蚩  
蚩氓惇惇還好義願君愷弟思隨時勞撫字

西湖吾未到夢想若遇之荷花夏如海當春萬柳垂秋月隨潮  
湧暮霽天無涯三百六十寺嵐翠渺迷離君去事幽討抉剔發  
天倪餘慳收昔遁奇賞獲新知朝餐吸山綠暮雨張水嬉尋碑  
嗅梅藥獨往無人隨政成無一事風流方在茲懷抱一如彼江  
山復如斯此樂可持贈寄我千首詩

鄉閩昔相從殷勤託詩酒再來長安道舟車竝攜手如今彌曠  
遠脫然絕窠臼少年尙意氣崢嶸各自狃風塵飽所諳蒼然皆

老醜激湍亦已平真氣充斥戶牖相見無藩籬灑落真吾友昨夜  
秋風來嫋嫋涼生柳念子當乖離旁皇如失守萬族各有營歡  
聚焉可久意趣苟無違秦越如左右後會知何年今茲歲在丑

題錢崙仙同年慈竹平安圖二首

冉冉南山竹柯葉互檀欒上有一片雲下有九畹蘭清風相夏  
擊虛碧鳴秋寒玲竈走鞭散抗衡勁節干養成兩雛鳳文彩何  
姍姍高枝足棲宿芳實供朝餐歸昌忽采律言振九霄翰引吭  
發鈞奏俯視失鸚鵡卻顧篔簹谷依舊青琅玕年年託美蔭歲  
歲祝平安

紅塵日夜深遊子思無已倦鳥有時還桑弧有時弛我有山中

廬榷籬夾綠水修竹倚大椿重重互幡纒發條播芳蕤清陰亦  
何美依依會有因庶往恭桑梓殷勤寸草心區區方在此

寄懷劉孟容

清晨采黃鞠薄莫不盈櫛甯知弟昆好忍此四年別四年亦云  
已萬事安可說昔者初結交與世固殊轍垂頭對燈火一心相  
媚悅炯然急難情熒熒光不滅漣瀆一揮手南北音塵絕君臥  
湘水湄辟人苦局鏑懷璧誤一投已遭官長別我作燕山囚衾  
機冷如鐵塵土塞中腸經旬閒嘔泄夢魂互往還邂逅在滸嶼  
君魂畏豺虎我魂阻蛇蠍明年會長沙對牀殊啞啞可憐郭生  
賢日夜依我闥三子展殷勤五旬恣猖獗自從有兩儀無此好

日月決渠東西流人事有蹉跌當時別江干懸知成久闊郭生  
從我行再踏長安雪東蒿貢廊廟塗丹強作闌磐松困澗底干  
歲老不屈行藏一以歧會合焉可必知君障污塵憎我逐煩熱  
摧蘭擣作鸛木馨固難奪皇天造羣倫位置各成列煌煌 帝  
者都峩峩集勳闕前庭充組圭後閣煖清瑟大馬疾如飛高車  
如電掣陋巷時騎過牆震窗紙裂而我支肘眠朦朧兀頑劣視  
蔭呼晚飯終年曾不缺癡兒亦肯堂四齡已饗養所愧偷太倉  
無異哀窮乞羨君老巖阿閒味甘於蜜嗟哉趣豈殊所處良不  
一坦蕩觀皇途轉側思家室永懷素心人悠悠難具述

題周小邨前輩塞外課經圖

肉食多亨途通儒邁百閔時蹇心匪乖身窮道未寤周君信奇  
孩天機苦捷敏昔歲乘青驄羣飛畏秋隼偶被金丸驚可憐翠  
羽隕十年遼海行九月邊風緊銅雀夢觚棱鐵衣錦續純自信  
茲遊豪甘受世人晒日日抱叢書森森如束筍吾道儻欲東獨  
善良不忍此邦盛球琳多士紛簞箇斧斤試一施設率聊可引  
弟子初反車先生大倒困文囿張百旃經畬接千畛但期道傳  
薪未要歸載稠昨者唱刀環塞外回文軫勝事告友朋餘味足  
咀吮方今柄師儒華秩半卿尹虎觀車如龍辟雍市如蜃會看  
招旌旂且須嚴鞮鞞稽古榮復榮吾言非蠢蠢

地用莫如馬二章思賢也

地用莫如馬越險思驍騰豈無汗血種相求亮未曾萬鍾繼稟  
粟千金贄鉤膺隆儀苟一闕市駿休漫稱  
人用莫如龜幽室能廢燭告猶儻見從外侮敢余毒從短翻棄  
長惜哉支牀足良無藻稅登不如塗泥辱

題龍九詩

李唐盛聲律初響鏗華鐘逮及下衰時切切鳴寒蟲扶輿發朝  
氣百彙曜麟龍缺月夜騰光不與東昇同秋霜入科木色黯蒿  
與蓬文章說心腑本不從窳隆能者自植立餘子靡隨風孰於  
眾音颯玉振開羣龔君才美無度大圭宜廟中君詩如春融秋  
爽亦自工內好用爲賢琢刻生芒鋒南軺斐然作山水滌襟胸

雜什多未芟略可芟厖茸要道鍬不舍金木隨所攻且況力有窮奧乍辨西東終然到聖處今古誰雌雄

贈李生

生名嗣元是科四川十九名余在閩中最高其文揭曉來謁則神清似郭筠仙愈傾愛之看書亦不少真美才也年廿二歲因作古風一首贈之云

岷山萬仞雪太古人迹稀中有窈窕谷綠蕙芳以菲幽芬亦已鬱賞識方庶幾澗邊棘荆滿山上春草肥託根亮同地豈辨誰是非地亦不能易香亦不能飛忽逢荷樵子采顛盈裳衣臨風再三嗅俯仰情依依由來有臭味不必崇知希

西征一首呈李石梧前輩

我昨賦西征熾熾實朱夏烈日焚人荒息影無寸暇孱體甘所

侵炎威冑少借一病罹百艱煩煎竟日夜夙昔傷勁弓聞弦神已怕壹志事呻吟誓儀任嘲罵瘧疫難指名熱寒互嬗謝粒食經旬辭況能問燔炙帶月方首塗參橫未云罷顛簸筍輿中磋磨破腰胯奴子蒼黃詢庸醫再三詫猛然肆造攻云當一戰霸惡莠雖已鋤良苗亦失稼隔旦嗜其疲無復平生咤皮皴面有窪耳聾氣愈下慘澹過潼關沈昏渡清灞赫赫李中丞觥觥范韓亞老罷臥三邊犬羊敢狙詐聞我至驪山材官百里迓秋雨長安邸征鞍庶一卸旅魄頗飄搖公來百慰藉遣僕炊香粳呼僮伺館舍徵醫未辭頻饋物不論價古誼暖於春美言甘於蔗我魂稍稍旋望蜀仍命駕裹藥充篋筐買飴養嬰姪漸覺身能

輕如馬脫韁韉吾固慶生存眾雖亦嗟訝燕譽多親知艱難少  
姻婭永媿夫子賢高情壓嵩華賤子不足矜西人實沾化

留侯廟

小智徇聲榮達人志江海咄咄張子房身名大自在信美齊與  
梁幾人飽載醢畱邑茲巖疆亮無懷璧臯國仇亦已償不退當  
何待鬱鬱紫柏山英風渺千載遺蹤今則無仙者豈予給揭來  
瞻廟庭萬山雪皦皦赤日巖中生照耀金銀彩亦欲從之遊惜  
哉吾嬾怠

柴關嶺雪

我行度柴關山光驚我馬密雪方未闌飛花浩如瀉萬嶺堆水

銀乾坤一大治走獸交橫奔凍禽竄荒野揮手舞巖巔吾生此  
瀟灑忽憶少年時牽狗從獵者射虎層冰中窮追絕壁下幾歲  
馳虛名業多用逾寡久逸筋力頽回頭淚盈把

廢邱關

項王西入關叱咤何雄哉鼻息撼山岳號令如轟雷分茅割大  
地駕馭英雄才六王既立後三將還西來降臣剖符竹洪度方  
洞開廢邱亦善地百里關蒿萊桓桓章將軍乞乞魏虎材奸豎  
主帷幄大將終疑猜望夷不足惜此類良可哀行人一長歎萬  
壑悲風迴

岱雲同年喪妻爲此詩譬之

陳君喪厥妃善憂世無有情至生幻機有夢造王母紫殿何言  
言眾星挂戶牖穆滿翔其旁方朔戲其後陳某蠅蝨臣昧死訴  
左右彼有何德功鵜鷄到白首此獨何罪辜生世不少久剜肉  
補其天於德未爲醜食貧八九年辛勤足梁笥何孽之難追斬  
刈如惡莠王母返袂泣倉皇頗怩沮方朔踉蹌出曰余不執笞  
眾生自生滅非神有官守高秋金氣肅萬葉同衰朽朝落非獨  
殤夕脫非獨壽皇天了不知無人司薄厚不見狼臙女蓬頭雙  
足垢一生不洗而媚夫稱佳偶亦有綠林豪掠人如雞狗堂前  
妖姬舞堂下鬼妾走彼雖得偕老於君意可否此雖中道捐名  
聲極萬口令妻果然然何必在駘者惡妻不可言牀第森械枉

陳君翻然覺再拜謝善誘歡喜不復愁逢人但索酒

寄弟

昔我初去家諸弟各弱小阿季髡兩髦覩人眸子瞭後園偷棗  
栗猱升極木杪叔也從之求揖我謂我矯分甘一不均戰爭在  
毫秒余時輕別離昂頭信一掉老弟況童駮樂多憂愁少瞥然  
成六秋光陰如過鳥世味一飽嘗甘心厭荼蓼夢裏還鄉國溝  
涂苦了了朝企恆抵昏夕思或達曉君詩忽見慰迴此肝腸繞  
生世非一塗處身貴深窈眾萬奔恬愉聖賢類悄悄二陸盛揆  
張鶴唳悲江表夷齊爭三光豈不在餓殍我今寄好語君聽其  
勿藐一願先知命再願耐擗擗

乙巳春閨謝戴醇士前輩畫竹

余少淪賤貧學書等畫墁中歲偷太倉誤爲金紫絆文字雖所  
攻淺嘗不能半邇來又十年拋棄如土炭豈謂選佛場謬來事  
襄贊列仙盛瀛洲腰魚何璀璨禁院局重棖沈沈百桂觀鍵戶  
無一營馳箋鬪豪翰蘸藍埽秋葉斯須復堆案眾雖亦好事奔  
命極雨汗戴嵩聖雲孫三絕天所歎干謁填其廬鐵門說三換  
竭來困棘闈逢人句脫腕爲余寫新竹風筠兀繚亂呵壁呼老  
可筌案何足算我雖不解畫耆古頗知岸但得琴中趣何必工  
抑接爲報青琅玕微詩庶一粲

請醇士前輩畫竹歸貽樹堂題詩一首

孔翠閉雕籠失羣忤本性懷我如玉人三旬闕賓敬老醇今鄭  
虔支離頗自聖余爲揚其波畫詩極輝映寫此貽君子持將作  
寶鏡筠以喻其文幹方晚節勁桃李漫紛紛語君勿與競物外  
求交知塵中闊幽篁

又贈筠仙一幅

人生有乖隔咫尺成關山我心日百轉從來輸石頑日吾語戴  
侯君在張李閒爲君畫新竹幽澹不容攀我家雙谿上萬竹圍  
沙灣涼夜幽篁裏月冷水潺潺行攜子偕隱鹿豕相往還詩名  
滿天地蹤迹混榛菅

送王子壽歸荊州五首以高步追許由爲韻

冠組墮塵海與世日滔滔豈知魯連子脫身美遯逃十輩蜩與  
鸞跳跟不能高黃鵠真一舉大地如秋毫

揮鞭拾科名咄嗟踏天路四十非不彊萬卷非無具尋直如可  
期須臾得少駐側聞馮潛郎龐眉守故步

盛年窟關輔結客頗支離負米半天下有婦愁朝炊詩名滿湖  
海持是欲安之菰中一漁笠懷哉不可追

天人互轉旋時勢有虎鼠結交貴結心甯當變寒暑可憐拙匠  
斤謬被獲人許一杯君強醕無人解觴汝

皇明燭八極小范臥西州嗟君老從事招招豈無舟廢興難可  
道時來不自由投竿要強起何代無馬周

王君嘗爲林少穆  
制軍幕府從事

送陳岱雲出守吉安

有序存  
文集

驪駒且莫喧我歌始一放憶昔初逢君漢濱俯高浪同拾春官  
第天門躡閭閱射策干義軒挾神一何王君喁我斯于躡履星  
辰上雙鳥不分飛短翎實所傍借屋兩頭居嬉遊不可狀六月  
寒瓜肥嚼冰滌府藏劈半持作冠狂呼極跌宕秋雨催歸人膏  
車各南向長沙揖君廬入門刪三讓拜母升後堂排筵倒家釀  
明歲同還朝百扶接居巷朝餐或來過夕渴還相訪問學商  
米鹽經綸說魚醬驅驢駕雞棲似狗頗茁壯有甌例宜塵無衣  
安用桁我道夫子賢世人或嘲謗世人病我頑夫子憐其誑枹  
笏雖支離貌卑心則亢平生企高遐力微不自量樹德追孔周



拯時儷葛亮又兼韓歐技大言足妖妄夫子不予譏和高越初  
唱洽比三四年爲權亦云暢卯歲夏之中九門盛炎瘴君實罹  
其災一病月三望毒熱轟外疆客瘥兀中脹有婦賢且勤顛天  
事供養背分荀令涼饘進冀缺餉剗肉補其天有神實克相繫  
我相扶持計窮屢怏怏國工吳竹如與鄭珊小調齊妙心匠鬼錄不  
見收人謀信可仗由來福與禍茫茫自天貺時月無幾何中饋  
邁死喪我時匍匐救倉皇事摒擋黃口抱呱呱稽首別總帳移  
巢翼其兒室毀子無恙良人匪頑石焉能缺悽愴傾家營奠齋  
淚河送反葬我謂君已愚稽經懼失當君謂情自纏誰超六塵  
障展轉彌再期病貧互摩盪南望問尸饗儲糧不盈盞摧腸與

蹙眉萬端欲誰諒一朝被殊恩千憂始滌蕩士窮守艱危時  
來類放曠爲君述前塵在莒慎無忘報恩不在他立德乃可尙  
丈夫要努力無爲苦惆悵

丙午正月二日作

蹉跎三十五聞道其既晚去日良已富來程亮復遠自從伊闕  
亡大道閉元樞有瞽不識珠賣珠事驕蹇微數陳豆籩小知辨  
蜓蝮迂腐譏淵騫空疏訕商偃前者激波瀾後者恣鬪很大江  
日滔滔眾人死婉婉誰能抱孤芳寂寥守舊晚通經不達時失  
身下豬圈嗟予局咫聞亦不工嗜嗜非仁不敢祖非義豈嘗本  
所學誠流俗攀躋但分判不挂高明眼譏評百少損民各有依

倚吾甯變愚悃文字局緘滕經綸在房栢浩蕩冠蓋場一心自  
嘉遯聊用陳區區夢魂庶謚穩

題篔谷圖

大雅卽高詠耽隱青山岑手折篔簹枝鏗爲琅玕音松風石壁  
高菁霧林霏深幽幽人不知獨鶴明孤心

送王孝鳳之雲南卽題其尊人松菊圖

累世無咎絲冤民塞九縣數畧危眾魚吞舟不加譴王叟邦之  
良溫恭少側弁獄吏一牽連秋毫忤雷電田甲時見陵馬遷莫  
相援盆底無昊天荷戈出摩訶萬里蒲蠻道征人淚如霰廿載  
餐檀糜衣無故時線回首望家山柴桑信所戀老松儻無恙叢

菊向誰綯有子鏗華鐘蜚聲震金殿武庫羅其胸干將思一剗  
誓上緹縈書不乘長卿傳一麾首滇南征心已如箭預想王坦  
之初覲懷祖面抱持至膝上悲喜集一見萬事如浮雲滄海日  
千變獨有骨肉離重逢眞可羨明歲唱刀環懽聲若雷怵歸食  
武昌魚比鄰張高宴 鳳詔喧里閭純孝迴 天眷不學朱壽  
昌徒登獨行傳

題錢崙仙黠燭修書圖

腐叟音塵湮千載無完史斷代自班生鉅規破大體茂先賞三  
志編摩或索米舊書畱學瑕但爲吳生詆數賢不足珍餘外况  
靡靡 聖代盛文章羣英躡前軌殷鑒曩成編唐經今繼美磊

歸南董倫影纓足幅纒錢子邦之良弱冠將金紫涇渭原胸中  
袞鉄極筆底朝踏東華路柴車等敗屣夜歸南窗下椽燭照大  
几一字褻幽潛片言殛姦宄曲直在豪端誰能矜爪觜我亦載  
筆臣大弢久復弛三載糜官錢甌塵亦莫洗披圖聊粲然作詩  
一酒恥

題孫君采芝圖二首

孫君名葆恬字劭吾善他人嘉慶己卯舉人道光六年以大挑選桃源縣

學教諭芝房侍講之父也

眾羽工飛騫先生獨摧挫十載桃花源寒瓊屢告破古木發深  
彈從來拒俗和采蕨晞殷頑餐英補楚些自擷三秀芝窮年振  
寒餓豈謂人事乖悠悠卽長臥掇草求長生無靈欲誰那長是

拜畫圖千秋聆咳唾

少室吾黨英儲能實完好韶齒殊不廉閒偷仙人棗航海探琪  
花踰蹊踏三島根本良已深眾芳信在抱言采幽蘭歸種作階  
前草上有竹修修下有清風埽竹節寒逾堅貞心永難老風暖  
扇餘馨繁香滿穹昊

訓陳慶覃侍御

赤水沈元珠千年遲象罔君子迴深眷翻然辱旌獎馬走那解  
詩鉤章事鹵莽秋蟬挂高柳風過自成響豈意師曠聰偏聽發  
謬賞維君堅高壘無人敢掉鞅筆端一縷香百靈通胼蠻方今  
隆棟穹伊巫擁天仗巢燧無關遺無處著岫疆以茲得雍容閒

惟仙藥產神人渡迷津福汝能簡簡虔禱或有憑孝思本無限  
圖此塞寸誠靈心聊結撰何知妄與真雲濤紛滿眼

秋懷詩五首

木葉下如雨西風吹我衣天地氣一肅回頭萬事非虛舟無抵  
忤恩怨召殺機年年絆物累俯仰鄰詬譏終然學黃鵠浩蕩滄  
溟飛

蟋蟀吟西軒商聲方茲始小人快一鳴得時亦如此大澤藏螿  
龍嚴冬臥不起明歲澤九州功成返湫底吾道惡多言喧囂空  
復爾

吾愛邵夫子

謂仁和邵懿辰

古之三益者鑿鑿攻我瑕不隨世人啞薄

俗尊文章吾亦事苟且赫赫揚子雲末途裂於瓦再拜謝獲人  
斤斧行可捨

城頭昨宵月今夕虧其圓丈夫矜小節一缺誰復全蝸廬抱奇  
景高視羲皇前蒼蠅駮尺璧江漢難洗濁馬融頌西第今爲時  
所憐

吾友劉孟容遺我兩好書三年不報荅幽怨今何如深山闕大  
寶光氣塞州閭樊英履壇席名業箕斗虛補天儻無術不如且  
荷鋤

訓辭曉颿

大谷闕幽蘭由來習霜雪摧挫彌歲年歲蕤減昔悅本性誠未

言身卷一  
移芬芳詎可滅時物一爲遭適爲吳人擷會合亦有宜廢興固  
難說旁有荷樵子殷勤事拳櫛出山嗅懷裏餘馨亦未輟臭味  
良有然非渠獨明哲

風騷難可熄推激惟建安參軍信能事聲裂才亦殫寂寞杜陵  
老苦爲憂患干上承柔澹思下啟碧海瀾茫茫望前哲自立良  
獨難君今抱古調傾情爲我彈虛名播九野內美常不完相期  
蓄令德各護凌風翰

送舒伯魯

神駒秉清峻墮地凌無前男兒志萬里亦在華妙年舒生吾楚  
儁結髮疲丹鉛內外承嘉蔭託根魁斗躔迎婦范陽府結客彌

幽燕遂來窟京輦滿月彎鳴弦謂言拾高第如掇牀頭錢人事  
有奇偶虎鼠非吾權文章不斌媚例爲時世捐芝蘭合鋤刈朝  
菌香徹天可憐壯夫志摧撼終不遷時時造我闈屏慮商詩篇  
高吟動厚地幽思縋重淵維桑古有敬況此接才賢昨來忽告  
別歸意何翩翩寢門疏定省冑爲世網牽一鳴不稱意脫去如  
鷹鷂趙孟等閒事難者參與騫馬走螽此閒歲月逐風顛謀歸  
百不勇送女聊自鐫

劉安詩

新甯江君忠源子之執友也數爲予稱其邑孝子劉安  
者道光丁未安年齒六十江君求予以詩揚其行爲老

人光悅且以風里人夫甄采畸德作獨行傳之長編史  
氏之任也嘉善而懲不能勸一而勵百亦士大夫有風  
俗之責者事也故爲之詩歌遠貽劉安安名某字某實

縣學生

金峯萬山轉劉安巢山椒邦人所賓禮與山兩宮堯天窮苦無  
告孤露初及髻傾家樹四壁馬磨風蕭蕭朝餐或恥益夕飲恆  
賭瓢子衿式學省童冠各在招束脩斂薄少歲穫償裝櫛上堂  
奉甘滑入室馨脂膏一噎三咻摩一食再溫劭蒸黎或忤志捐  
斥無寬條嬰兒抱酷愛畢世非一朝白日不東返孝養隨瞥飄  
所餘枯與捲傍身而瓊瑤觸時卽子卯有實如春潮仰供不知

劬俯畜安能饒舉家浩鷺雁妻餒兒號宵維安不鹵莽長短與  
量料紉箴教補裂呼粥權息囂鄉鄰敬其誼百里無飛鴟長官  
式其賢唾息不敢驕噫乎血氣倫報本義所要人紀有乖沸茲  
實懸之杓惠迪經所訓物理亮非遙感歎遂成詠庶以風鄙澆

送莫友芝

豪英不地囿十九興偏邦斬崖撥叢棘往往逢蘭茝黔南莫夫  
子志事無匹雙萬書薄其服廿載幽窮鄉今年偶作劇射策來  
都堂青鞵側破帽日繹書賈坊邂逅一相見揖我謂我臧劉郎  
吾庸敬好事迷短長炙酒頰君頰亦用沾我腸微瀾時激引稍  
稍觀濤江可憐好手眼不達時溫涼果然被捐斥鋤刈不成芳

誰能尼歸駕飄若驚鴻翔我時走其廬深語非淺商次及蓼莪  
痛老淚何浪浪嗟余亦心性內刺能不降竇然拜牀下十分肅  
老龐關山有乖隔人事不可詳萬里共日月肝膽各光芒作詩  
勛歲莫亦以勤劉郎劉郎謂某雲

題彭旭詩集後卽送其南歸二首

日日送歸客情抱難爲佳老彭復去我內撫焉所偕往予初遇  
子睇眎無等儕鷹眼迴高秋勢不甘塵埃自言困鄉國橫被口  
語猜絳侯畏牘背田甲欺死灰脫身來洛下稍攝驚魄回風波  
一震薄萬事何有哉雄篇忽枉我峻句何崔嵬險拔肝膽露憂  
患才地開終然達紫氣幽獄難可埋男兒要身在百忤甯足摧

臨歧不知報努力乾深杯

大雅淪正音箏瑟實繁響杜韓去千年搖落吾安放涪安差可

人風騷通眸蠻造意追無垠琢辭辨倔彊伸文揉作縮直氣摧  
爲枉自僕宗涪公時流頗忻嚮女復揚其波拓茲疆宇廣大道  
關榛蕪中路生罔兩孱夫阻半途老大迷歸往要當志千里未  
宜局尋丈古人已茫茫來者非吾黨竝世求人難勉旃各慨慷

丁未六月廿一爲歐陽公生日集邵二寓齋分韻得是字

讌飲非吾欣十招九不起豈不耽羣歡未諳諾與唯今日飲邵

侯婆娑辦一喜多因坐上賓可人非俗子梅姿伯言名世姿蕭然

紅塵裏蟬蛻三十年萬事如脫屣獨畱文章性真好無遷徙頗

獎歐陽公時時挂牙齒後者開曾王前追韓與史自姿持此論  
斯文有正軌二三邦國英風流相依倚持斤向老鼻郢門欲成  
市邵侯宏其波崢嶸見爪觜時作好事人排蕩詩酒理長安三  
月雨炎威方一弛洗醜招近局眾賓稍填委尙想老醉翁茲辰  
實攬揆展圖拜光儀焚香追無始餒鯨初在嘗良琴復動耳跌  
宕宇宙閒嚶嚶亦未已鄙人實昏頑百非邁一是麋鹿生野性  
謬來絆金紫紛華一蕩滴精光半銷毀常恐道未聞殞身同螻  
蟻苦緬六一公終古長不死名位匪絕人所貴不關彼作詩謝  
邵侯梅姿竝送似

送黎樾喬侍御南歸五首

原六首其六係  
七古見二卷

時歲善適邁煩悵無少舒秋色滿大地良朋還去予十年聚京  
輦竝頭相响濡深言洞金石密意安綦絢傾歡酌家釀鎧火照  
狂愚不能久依倚脫棄如驚鳧民生各時令進止非人圖物自  
持其末吾自敦其初高秋天萬里浩蕩一春鉏

平生秉微抱志與詩騷親孤音裂肝膈劃然震乾坤持用告庸  
子舉世褻不聞先生有妙鼻容吾揮一斤賞妍越恆理逐臭詫  
奇芬高歌切哀玉吹我上青雲多譽墮盛德雖然豈不仁文章  
事微薄在物未爲珍秋豪較得失老死相斷斷從今旣根本破  
硯吾欲焚

萬歲行滔滔後水逐前水今古數達官河沙不可紀生存勢薰



天死去飽螻螳達人計深長誓不欲穠秣嗟余本野性邂逅絆金紫尺寸無功能高明畏神鬼雷同溷太倉或恐損廉恥倦羽企歸風余亦行休矣筐筍鋪松秧從君萬山裏

逆夷昔爛漫兵甲禦南東殺人飼蛟鱷大海爲之紅君時卽我謀雪涕向蒼穹夜半草萬言朝奏甘泉宮道謀復旁午羣策雜昭龔 聖擇有姑舍神斷自 天聰自獻雖不效義憤侔賈終事往一回首人各發舊蒙所貴中無疚焉計達與窮

洞庭天下闊清傑橫六宇中有兩佳人乃是淵騫伍湖北字某雲南曰孟容甫厥氏同劉宗神明本漢祖實惟吾友生交期澈肺腑乖隔漫關河夢魂奔越苦朝憶便成昏夜思或達午此士

臥深山靜氣卻豺虎君去儻尋求夙鯁還一吐物外得真遊方寸能歌舞

題季仙九師采蘭藝菊圖

靈儀耀德輝昌期偶一造翹羽時倦飛丹穴仍高蹈吾師生民傑瑩粹邁珥瑁文章養其原木雞極啄菹詩老昔采風滇海蒸英髦 聖皇豁四聰惇樸信所勞文軫馳西南武庫職旌纛夷然鎮廟堂羣士息浮躁秋月照琴心忽理思歸操東籬菊正肥南陔蘭可芼翩然謝綦簪巾車已復膏小子秉屨薄門牆備灑掃追隨漫十年未洗緇塵眊稻梁逼旅懷詩禮荒庭誥賦詩鐫此心搖搖如植翮

題朱伯韓詩集後十首

以才難不其然有亦未易識二語爲韻

雞鳴足朝莫陰曠終不開高秋戰寒夜四壁轉風雷有客投明月驚顧非凡胎古人亦已矣吾猶及此才

稂莠驕復驕桃李闐無言堂堂魏長史畫籌壁上觀丈夫有深意出手無俗彈恆沙閱人面相識良獨難

明珠伏濁浪能媚不能流顧人力如虎折節師溫柔肝腸自骭麟面目自伊優再拜問君子此可言詩不

金陵昔鏃血裂皆激癡疲事過付東風沓沓如故時豈非吾輩恥痛鉅不可思三更荷戈起四問夜何其

東家老鼻祖詔我三百篇造詞如日月萬古趨新鮮竊人者無

恥自得斯爲賢鄙夫目論爾君謂然不然

吾子如春陽照臨列枯朽我亦無所知我亦無所有頗好感事詩善歌敵矇矓歲晚脣又乾君須濡我酒

吾國有狂生白眼善揮斥謂益陽湯鳴稱子賢無朋許子曰頗亦中

途生波瀾生死長乖隔青山一抔土永埋壯士魄

桂林天下秀生才雅且毅有美王與龍虎視令人畏謂馬平王錫振臨桂

龍威誰道儒誤身等閒拾富貴平津老封侯君今齒尙未

甚矣吾其衰百思今廢置平生所好賢支離背時利明鏡承食漿干將不一試天高帝閣嚴薦達談何易

舉世禮邱軻貌尊非心卽草元二千年今無一人識思之復思

之粒粟開八極君試騰汗漫我當借羽翼

送黃恕皆使秦中

輦轂蜂房聚萬人局閉牢脫身得出走塵鞅方一逃黃君吾黨  
彥闇默謝羣囂持節下關隴太華秋氣高西北收功實自古產  
英髦 聖朝枋儒術土室始深韜三徵臥不起四字爛 天褒  
張呂去云久餘緒猶可縑丹穴鳳所都累葉無凡毛猗蘭豈不  
馥所貴采擷勞三洗人天眼往觀大海濤摺盡波底蚌明月終  
在遭先民有遺紹邂逅入甄陶歸來謝 天子亦用誇吾曹爲  
已辨繁輔與世置夔皋

北堂侍膳圖爲姚吏部題二首

脫葉辭喬柯迴旋依舊晚行役有乖違梓桑終緒綵姚君虞舜  
裔純行亞珪琬伯瑜陳采服下堂自婉婉一從通朝籍鄉關日  
已遠浮雲有東西遊子不得返

樹蘭服眾芳誰能忘根本爰圖聖善容慰此深愛悃嘉魚初在  
烹新筍欲盈橐不惜求取勞但虞珍膳損 魏闕身事羈南陔  
歸夢穩移孝出忠勳邂逅還補袞

題陳氏五世鄉賢遺像

純皇撫九有至文耀天樞 詔舉明經士四皓來于于介休薦  
梁竇江南顧與吳陳公實稱首人中見騶虞戎冠長太學魯國  
始一儒洪河無近脈崑山玉所都三朝襲令緒四世表其閭繫

維聖舜冑家聲自古初義門翁惇穆太邱世簪裾門風不復墜  
繼踵踐天衢金籥澤易斬君子席詩書瞻言禮遺像杖几如可  
趨聊表先民軌一爲薄俗模

韓齋爲孔舍人題

西京大雅淪斯文日凋敗天不喪周孔使人續警欬韓子與中  
原聖言始有賴孤竅吐雄奇金聲塞兩戒時於蕙蘭室中出蛟  
龍怪迴首視齊梁有作頗衰憊一從茲塗闢來者方雲會豪彥  
仍響臻歐曾得兩大 聖清炳昌運方姚實孤邁魯宓有雲孫  
耆古百無懈齋祓奉丞嘗但下昌黎拜大書榜其室夙莫見著  
蔡誰云千載遙神理與鍼芥湜朝漫親炙相夷等自郢

桐陰消夏圖爲史吏部題

炎曦灼大地蠕蚊同烹煎有生奔末利擾擾不遑安史君靜者  
流置身巢燧閒綠天展珍簞桐葉生虛寒煮茶激清吹拂箔迴  
微瀾客來戒不報塵事莫相干頗亦哀老子佳眠未渠闌

題苗先麓寒鐙訂韻圖

大雅久淪歇正音委榛蕪永明肇四聲稍變周漢模開皇集八  
士牙曠相飾揄夜半畫綱紀韻學茲權輿承襲一千載灌莽成  
康衢韓公頗好古枉啜六經腴放者騁遊騎斂者如轅駒進退  
失所恃不得返皇初有宋盛文藻才老信狂夫陳生興晚明秉  
燭照幽墟勝廣驅除畢沛下風雲趨 聖清造元音崑山一鳴

儒中天懸日月堂堂燭五書上追召陵凌千載若合符斯文有  
正軌來者何于于江戴揚其波段孔入其郛苗髯最晚出匯爲  
眾說都精思屈鬼膝高論揖唐虞鬻熊皎入夢薪火耀天樞神  
光不可熄長夜一燈孤風雪交四壁橫膏校殘書人謂髯何憊  
髯謂吾自娛自我與髯友大海禮閒鷗時洗箏笛耳一聽秦青  
謳物外有真知肝鬲助歌歛愛髯不忍別作詩寫區區

養閒草堂圖爲潘博士題

浩浩市聲沸塵霧如驚濤中有澹定人萬事渺秋毫家世東山  
舊諸謝各清高末行濯德輝九天一羽毛豈謂迴風勁修路滯  
將翺乾坤豈不大一笑解天弢四時足休息靜極思作勞時攜

桑輿友物外得佳遨脫帽談虞夏生理寄濁醪歸來對虛室風  
日淡相遭老鶴傍人睡羣雞正喧嘈

陶太常小像

江波少還態耆宿日凋零豈知永嘉末吾猶及老成乾嘉昔云  
盛錢王蔚典型傳經孟喜剡問字子雲亭各奉本師說森然啟  
門庭先生時少壯槃敦接芳馨曾從大匠鼻揮斧動神靈跌宕  
五十載數輩倚聲名踏破九州莎依舊還 天廷後生仍好事  
快覩先民程飄然好須鬢圖此歲星精柏寢話疇昔緒論吾嘗  
聆瞻言詠斯篇一寄思古情

會合詩一首贈劉孟容郭伯琛

咸豐五年秋  
月南康舟次

東風吹片雲嘉客來千里喘如竹筒吹腐公蹙然喜明僚雜迎  
笑吾亦倒吾屣各自極其魂告曰某在此傾衿語晨夜爛漫不  
知止上言離別長歲月弦脫矢下言兵事殷成敗眞夢耳江漢  
天下雄三年宅蛇豕王師有蹴踏戈船照清泚掀浪煮龜鼉洪  
濤染爲紫長驅下蕪黃鐵鎖沈江底羣龍水中生怒螳車下死  
英英塔與羅威名警南紀倚嘯瀟廬閒天戈欲東指人事有變  
遷由來不可擬鬼火夜灼天壤雲壓高壘龍驤付一炬韓壁僅  
可抵偕行竟無衣存足乃無履夜半飢腸鳴大聲震江水腐公  
不知羞恬然矜爪觜謂言多難時從來福所倚在莒義不忘圖  
南風漸起稍稍召驚魂時哉可歸矣世論自悠悠冰膚生瘡痂

困窮念本根風雨思君子艱難復相逢得非天所祉回首廿年  
前志亢聲亦侈憂患閱千變返聽觀無始老夫苦多須須多老  
可鄙二子苦無髭無髭亦可恥自乏諧俗韻不關年與齒貞松  
無春競歲晏行可俟作詩誌會合亦用砭窳些

王母方太夫人詩

凡響無異材爨餘得佳桐眾卉競春華歲寒彰貞松坤德无咎  
譽非儀兩不蒙煢然邁閔凶高義古所崇中材利行之綽楔畱  
芳蹤卓哉賢母德激烈乃過中別嫌謹錙銖年高茲益恭至性  
無矯揉情摯超凡庸無所爲而爲乃與神明通有孫立朝端  
蹇蹇蓋匪躬乃知玉泉流璇源已冲灑白嶽黃山開靈氣鬱蔥

蔥明靈永不泯奕世揚休風

贈李眉生

倦翮復南翔重眺鍾阜煙舊遊多環萃羣卉正芳鮮謂可擴吾襟孤懷乃悄然非材竊祿位俯仰慚高天術業一無成浩浩送流年竄情常廢事識闇或蔽賢多病無安食多悔少佳眠無德居高明眾鬼瞰瑕譽無學臻衰耄但爲時所鐫誰言所遇順撫衷百慮煎勤子來存訪至論探九淵鬱塞乃過我神困難爲妍人世多乖迂圓一缺常干義娥驅童叩舉世惜華顛天命誠足畏愁思且當捐

青松生危巖獨立向清昶風韻稟韶咸交柯蟠龍象逸氣干層霄瀟灑謝塵埃廟廊構瓌材羣工共嗟賞虹梁皎朱曦天門信蕩蕩豈知咫尺間歧路多迴枉挽來不能寸推去或干丈託根倚峻巖植基固不廣孤高招烈風薄俗甯足仗蒼穹富雨露百昌日夜長大鈞一轉旋悱惻神所獎聊究莊生旨齊物尋影響行止皆有待還以咨罔兩

題俞蔭甫羣經平議諸子平議後

聖祖曠千禩微言久歇絕六籍出燔餘諸老抱殘缺尙賴故訓存歷世循舊轍從宋洎有明軌涂稍歧別 皇朝褒四術眾賢互標揭顧闞啟前旌江戴紹休烈迭興段與錢王氏尤奇傑大儒起淮海父子相研悅

謂高郵王懷祖先生念孫及其子文簡公引之

子史及羣經立

訓堅於鐵審音明假借王氏精於古音謂字義多從音出經籍多假借字皆古音本同也課虛

釋癥結王氏每於句調相同者取彼釋此謂之句例旁證通百

泉清辭皎初雪王氏立訓必有確據每識昔人望文生訓或一字而引數十證其反覆證明乃通者必曲暢其

說使人易曉九原如有知前聖應心折俞君一何偉陸步追曩哲盡

發高郵輿擔囊破其鏑君昔趨承明鳳鸞與頡頏軺車騁嵩洛

康衢誤一跌子雲宦不達草元更折節文囿芟天葩經神供清

醜龐言頗觝排諸子亦梳抉復從羣賢後森然立縣絕嗟余老

無成撫衷恆惓惓閑才不薦達高位徒久竊茲編落吾手吟覽

安可輟訓王壬秋徐州見贈之作

王壬秋徐州見贈之作

戒徒事秋蒐理權及淮甸塵埃正紛拏邂逅接英彥乖離七易

霜天遣更相見後車攜嘉客同馳彭城傳輕颺澣素襟名論迴

深眷白云尋絕學涂軌約三變僑居蒸水陽親知斷游讌閉戶

自高歌寒宵百慮戰羣聖下窺瞰憂喜相慶唁盡抉諸經心始

知老儒賤探篋出新編照座光如電說易燭大幽箋書祛眾眩

旁及莊生旨抵巇發英眇大雅久不作小知各自銜漢宋互嘲

譏餘炎更相煽遲君紹微言豪芒辨素絢高揭姬孔情洪曦消

積霰湖湘增景光老懷亦忻怵

附 伎求詩二首

善莫大於恕德莫凶於妬妬者妾婦行瑣瑣奚比數已拙忌人



能己塞忌人遇己若無事功忌人得成務己若無黨援忌人得  
多助勢位苟相敵畏偏又相惡己無好聞望忌人文名著己無  
賢子孫忌人後嗣裕爭名日夜奔爭利東西驚但期一身榮不  
惜他人污聞災或欣幸聞禍或悅豫問渠何以然不自知其故  
爾室神來格高明鬼所顧天道常好還嫉人還自誤幽明叢詬  
忌乖氣相迴互重者裁汝躬輕亦減汝祚我今告後生悚然大  
覺悟終身讓人道曾不失寸步終身祝人善曾不損尺布消除  
嫉妬心普天零甘露家家獲吉祥我亦無恐怖 右不悛  
知足天地寬貪得宇宙隘豈無過人姿多欲爲患害在約每思  
豐居困常求泰富求干乘車貴求萬釘帶未得求速償既得求

勿壞芬馨比椒蘭磐固方泰岱求榮不知饜志亢神愈忤歲燠  
有時寒日明有時晦時來多善緣運去生災怪諸福不可期百  
殃紛來會片言動招尤舉足便有礙戚戚抱股憂精爽日凋瘵  
矯首望八荒乾坤一何大安榮無遽欣患難無遽愁君看十人  
中八九無倚賴人窮多過我我窮猶可耐而況處夷塗奚事生  
嗟愴於世少所求俯仰有餘快俟命堪終古曾不願乎外 右不求

曾文正公詩集卷二

七古

謝疊山賣卜研爲劉太守題

青花一片瑩寒泉中有毅魄勞蒼天大宋河山滄桑改孤臣心事金石堅當年賣卜建陽市麻衣血洗流成淵吞炭不復容三擊下簾何曾索一錢稠父宋父弔鸚鵡東川西川泣杜鵑豈知歷劫冰霜後尙畱人世文字緣辰陽太守亦可憐老抱石兄喜欲顛三年膜拜憫忠寺萬里攜將書畫船書生癡絕例如此稱先道古口流涎不如堯桀兩忘去日摩頑石支頭眠

送凌九歸

白日杲黃埃飛君胡少住遽言歸萬族由來各有託借問君  
心何處著自言暫歸奉晨昏溫席不暖還出門丈夫生世會有  
適安能側身自跼踖南箕北斗徒虛名東走西顧知何益磬折  
已覺素心違璞獻況逢俗眼白要將萬舞誇輝光肯爲兩言求  
恩澤皇天畀我非不豐平生策能固窮一飽那爭雞鶩食萬  
事從付馬牛風君家才望人所豔兄弟縱橫兩龍劍霜髭暫教  
長板蹶雲藻終向天庭揆卽今歸去慎勿稽歲時努力謀鹽齏  
綵衣好娛老萊母椎髻尙有梁鴻妻我亦屢尋還鄉夢年年送  
人頗自諷送君無酒爲君歌楊花如海柰愁何

送楊春皆歸

去年同送蕭郎歸心如風幡亂掀簸今君告歸亦何遽臨別無  
言但兀坐君才捷敏非常儔早時羣書讀已破堆案細字如毫  
毛擲筆新詩成咳唾竭來燕市騁逸足聊隨鴛蹇爭芻莖出門  
百錢買犢車入戶一編旋蟻磨虛牝擲金古所悲五年長安竟  
坎珂剖瓠作尊何所容種柏傍石終不大首途雖舛心愈雄懷  
寶空奇時難貨嗟余昏懦百無能與世趙趙動得過忽逢良友  
相鑄磨有似酒狂得史佐隔日一見歡未闌鼓缶鳴箏唱復和  
削除巉嶮得平夷厭見俗氛揚堀堞可憐俠氣千層雲時有忠  
言驚四座一麾從此悵分離萬事何當付嬾惰方今 廊廟構  
羣材搜林剔穴行可賀看君形容不易凋顧此芒刃豈終挫明

年仍騎瘦馬來滿面還受緇塵沱

題毛西垣詩集後卽送之歸巴陵五首

伐木截兩端半作犧尊半溝壑南鄰北里輕薄兒昨日薰騰今  
冷落巨履小履天所區焉能屑屑齊美惡勸君把酒持雙螯百  
年爛醉拚嬉遨不學陋儒談狗曲修椽整巾徒碌碌

歐君

謂小岑

昔言鄉國彥汝與吳生

謂南屏

皆狂狷看汝織古得新

機惜哉弋時無急箭獨抱質缶辭雕鐫世人皆憎我獨羨金盤  
銀醖有時灰得不垂顧餅與罍

朝誦幽通賦夕吟顯志篇咄哉此子頗聞道煩毒迷惑劇可憐  
古來騷人都如此君亦苦語相糾纏日月瀟灑百蟄蘇老抱幽

憂胡爲乎

長羨江頭白髮翁扁舟如瓦飄西東船頭得魚船尾煮穉子哈  
笑老婦聾王稅早輸百無事從古不遇打頭風君家正臨洞庭  
水一飽弄舟樂何底舍此他求真左矣

我生乾坤一贅人逐眾轉徙如飛蚊衮衮臺省無相識紛紛時  
事了不聞門外車馬何隱麟獨立階下看浮雲君今歸哉渺千  
里我方塵土無窮已

題顧南雅先生畫梅應何子貞

詩老餐冰老更臞傾身謀醉一錢無忽然嚼梅供大噉笑吐滿  
紙森模糊當時酒徒相饋餉

本寫贈張淵父子貞從張乞得

至今遺墨何清腴

平陵公子亦好事巧偷豪奪無罪辜時將巨障補空壁已覺暗  
香來座隅長安一雪寒切膚冷官瑟縮同圍爐開眼忽到西湖  
上四更殘月孤山孤我聞繪事通草隸此語自古誰云誣何君  
作書妙天下生吞百虎心膽麤世人只解傳梔蠟獨能養氣真  
吾徒莫言書畫直小道不到聖處甯堪娛吁嗟詩老不可作君  
雖抱此徒區區

傲奴

君不見蕭郎老僕如家雞十年笞楚心不攜君不見卓氏雄資  
冠西蜀頤使千人百人伏今我何爲獨不然胸中無學手無錢  
平生意氣自許頗誰知傲奴乃過我昨者一語天地睽公然對  
面相勃溪傲奴誅我未賢聖我坐傲奴小不敬拂衣一去何翩  
翩可憐傲骨撐青天噫嘻乎傲奴安得好風吹汝朱門權要地  
看汝倉皇換骨生百媚

瑣瑣行戲簡何子敬乞醃菜

瑣瑣復瑣瑣謀道謀食無一可大人天嬌如神龍細人局蝮如  
螺贏皇皇百計營齏鹽世閒齷齪誰似我既不學虎頭食肉飛  
將軍又不能駝峯犀筋醉紅裙長將野蔬說奇錯春筍秋芋評  
紛紛吾鄉芋最美拙妻嘲訕婢子笑可憐先生了不聞苦思鄉國千  
里月夢想牀頭一甕雲君家醃菜天下知忍不乞我賑朝饑丈  
夫豈當判畛域仁者況可懷鄙私炯炯子心天所許堂堂此理

君莫疑忽憶條侯理入口黃頭銅山竟僵培功高七國安如山  
錢布九州浩如藪當時鼎烹會親賓後日饑腸作牛吼今我與  
子俱不材懷抱傾筐倒篋開取與廉惠兩無猜青天白日森昭  
回不醉不飽胡爲哉

反長歌行

馮樹堂三十初度有汲汲顧影之憂故爲詩以  
廣之得失靡常驚名無極繁稱雜奏歸之於正

道云

義和驅日如驅豕鞭之不行汗流此頃刻奔馳過百年老盡世  
人渠獨喜渠獨喜我甯愁已拚一老百無恥馮夫子我歌君莫  
鄙柏梁銅爵安在哉盜跖唐堯俱朽矣北翁得馬知何祥臧穀  
亡羊定誰是平原轉眼成嵩邱華屋隔宵生荆杞上蔡黃狗空

歎嗟洛陽銅駝百遷徙萬事支離那可論吾生得失亦如此卻  
笑張毅空飾文更憐單豹強治裏修衷修操皆虛名老向人前  
矜爪觜君看從古軒赫人一半名場夸毗子今晨令問傾王侯  
明日枯柴飽蚋螳銘功誅德千萬言可信人閒有真史馮夫子  
我歌君且起君今三十胡皇皇浮名驅君不自止頻嗟短景難  
少延便得長春甯足恃世閒自有清淨業日往月來了無累人  
迹不到禽不來萬年廢井養秋水

題畫蘭三首應田敬堂同年

淺紅生綃一尺半描金蘭葉光爛爛不知誰氏書畫船遺作君  
家錦繡段時棄時取了無憑花若有情花亦歎有客對此三沈

吟一夜魂飛洞庭深故鄉蘅杜知我心

洛陽三月天如銀楊花浩浩愁殺人美人璇閣弄鸚鵡傷心不敢當青春獨對盆蘭訴幽怨再拜且爲花寫真腕輕著花只嫌瘦釧重放葉難爲伸簾外雙雙蛺蝶舞羨汝自在好要身閣筆下階傍花立臨風三嗅馨香泣

田郎田郎似我嬾反鎖衡門走賓館三年啖蔗未曾甘九畹藝蘭行復滿不願舉國揚芬芳但願同心通悃款晨書小楷眼欲花午睡醒來日已斜從容讀書還煮茶

贈何子貞前輩

以紙素子貞作字久不見償詩速之也

九嶷山水天下清中有彥者何子貞大譎老謀不自白世人誰

解此縱橫八法道卑安足數君獨好之如珉琤終年磨墨眼不昧終日握管意未平自言簡箋通性道要令天地佐平成怡神金鯽朝吹浪失勢怒視夜擣營同心古來亦有幾俗耳乍入能無驚可憐四十好懷抱空使九州播書名嗟我波瀾頗莫二知而不爲真不智捧心恥與時爭妍畫足久爲聖所棄行當就子更柱弦可能爲吾倒筐筥去年一諾今未償舊迹已陳誰復記世間萬事須眼前須臾變態如雲煙煩君一揮清我室驅逐毒熱無煩煎高堂巨壁蛟龍走鄙夫白晝敲枕眠

題唐鏡海先生二圖

十月戎行圖

生世不能學夔臯裁量帝載歸甄陶猶當下同郭與李手提兩  
京還天子三年海國困長鯨百萬民膏餒封豕諸公密勿既不  
臧吾徒迂疏尤可恥岱宗夫子唐太常今日儒林有正軌宗傳  
久已追廉伊餘事猶堪作臆起昨來示我戎行圖回首軍興今  
一紀九疑南去山連天八排獐豸多於螳猱升廳伏巢穴繁青  
絲白馬風塵駛籌邊樓下雲屯營臨賀嶺前雨注矢先生獨出  
當九關磨鍊眾心作高壘千礮齊震雷破山萬馬不嘶月如水  
先生兀坐了不驚秉燭從容讀書史大儒意趣未可量小醜羸  
豪安足齒功成行賞不自言羞與駑駘較尺咫我覽此圖發長  
歌可憐黃髮今皤皤四海息兵無一事先生且住安樂窩

五原學舍圖

大兒垢膩衣短襦小兒蓬頭語更吃生長獐戶習繩行不識詩  
書定何物昨者縣門鼓如雷太守如父從天來走章馳檄到山  
寨要與龔俗辨頸顛皇天於人何厚薄未必蠻犵皆不才一朝  
得與冠裳會青天始見雲霧開魑結公然被儒服笑言啞啞歡  
且哈山南伐石千指碎山北挽木萬牛回縮版登登日復夜取  
次學舍高崔嵬五原便同石渠閣百丈似築通天臺銅鼓蘆笙  
雜弦誦衣冠俎豆何文哉但願使君長世世坐看檠瓠成瓌材  
豈期文翁難久借至今蜀國有餘哀披圖卻憶十年事富川風  
物落酒杯方今 聖人舞干羽薄海懷柔不用武會崇我丈比



桓丁立使殊方變鄒魯三老五更古所尊嗚呼此事非小補何時虎觀擁皋比我亦執經走廊廡

感春六首

奉君以象白猩脣之異味青琴碧玉之妖姬子復漠然不我與我今寸意當訴誰散髮狂歌非關醉枯株兀坐未是癡手撮黃塵障河決自有幻想非人知城南海棠已爛放牡丹如霧行離披如此青春忍不賞直待白髮甯可追

今我不歡子不悅攜手天街踏明月西南白氣十丈長銳頭突尾射天狼東方狗國亦已靖復道羣鼠舞伊涼徵兵七千赴羌隴威稜肅厲不可當 國家聲靈薄萬里豈有大輅阻屏螳立

收烏合成齏粉早晚紅旗報未央嗚呼天意正如此小儒不用稽災祥

男兒讀書良不惡乃用文章自束縛何

貞子吳南朱伯邵蕙西不知

羞排日肝腎困鎚鑿河西別駕酸到骨昨者立談三距躍老湯

海語言更支離萬兀千搖仍述作丈夫求志動渭莘蟲魚篆刻

安足塵賈馬杜韓無一用豈況吾輩輕薄人

明珠二百斛江湖三十年徧求名劍終不得耳聞目見皆鈍鉛

聞道海外雙龍劍神光夜燭九天沴氣妖星不敢還橫斬蛟

鱷血流川天子寶之無倫比列置深殿闔風前千金萬金買玉

匣火齊木難嵌中邊元臣故老重文學吐棄劍術如腥膻如今

君王亦薄恩缺折委棄當何言

蕩蕩青天不可上天門雙螭勢吞象豺狼虎豹守九關厲齒磨  
牙誰敢仰羣鳥啞啞叫紫宸惜哉翅短難長往一朝孤鳳鳴雲  
中震斷九州無凡響丹心爛漫開瑤池碧血淋漓染仙仗要令  
惡鳥變音聲坐看哀鴻同長養上有日月照精誠旁有鬼神瞰  
高朗

太華山頂一虬松萬齡千代無人蹤夜半霹靂從天下巨木飛  
送清渭東橫臥江干徑十里盤坳上有層雲封長安梓人駭一  
見天子正造咸陽宮大斧長繩立塊致來牛去馬填坑祺虹梁  
百圍飾玉帶螭柱萬石撻金鐘莫言儒生終齷齪萬一雉卵變

蛟龍

爲何大令題明趙忠毅公鐵如意

君不見天啟初載國步頻逼迫英彥如束薪龍章鳳姿膏谷蹟  
狐鳴梟噪騰要津大噲滔天不足道羣小羅拜馬頭塵執笏無  
因殲元惡請劍未許梟佞臣觥觥趙公天所鑒年年磨鐵影隨  
身世事萬端不稱意惟有此鐵還可人誓將喪椎擊逆豎休教  
鑄錯污君親星光睽睽趨朝夜霜氣稜稜拜疏晨一回摩挲一  
灑淚寸心如石腸如輪高皇有靈尙來鑒小臣此志何由伸一  
朝荷戈西出塞辜負白鐵悔因循茄花枯盡委鬼滅可憐明社  
亦荆榛二百年來餘此物萬劫不敝唯精神世人蠢蠢寶珠玉

言集卷二  
如君乃獲希世珍老鐵耐寒終得主豈有正氣長鬱湮請君雪  
夜倚闌看金精上燭撼星辰

喜筠仙至卽題其詩集後

昌黎聖者徂不作嗚呼吾意久寥廓郭生近出還峻嶒腸胃森  
然起邱壑古來文士非羸尪各有雄心戰墳索自尋世界鍼孔  
中別開九州造城郭衰叔曹尙安可論襲兒浴聲膽已薄丈夫  
舉步驤兩龍豈有趑躅人腳我方僵踏瘖不前君能踐之道  
斯託憶君別我東南行挽輿牽裾事如昨五年奔走存骨皮龜  
坼硯田了無穫時時音問相照臨語言雖甘意緒惡豈知今日  
還相逢席地帷天共一酌紛紛蠻觸爭土疆誰能買閒事笑謔

解顏一覲豈尋常百歲忽如埽秋籜眾木有知草有心殊性異  
涂那可度昨夕之炭今晨冰轉煖回寒在焱霍弓影構似公成  
眞箭鋒失機書相選葛亮書說雖貴和屈原平生莫量鑿趨同  
造獨良難兼攘詢納尤詎非樂方今 帝舜明四聰朱虎夷夔  
并高爵大鐘士鼓相和鳴文字秋霜起廉鍰號呼朋侶趨上流  
聊可示強孰云弱嗟余瞽者迷嶽塵不殖十年得毋落欲張漢  
幟標新軍要盟不從誰肯諾獨者無倚同者羞心之簸搖欲何  
著智小謀大姬所懲偏有狂夫百不乍移山愚叟無日休填海  
冤禽有時涸屠龍大噉願已虛哆口如箕且一嚼老筠老筠子  
視余謬志誕言豈堪藥閉門引竅號五噫欲與秋蟲鬪方略字

言集卷二  
宙空曠時日寬安用出膏自燔灼忽憶元和奇崛翁會合聯吟  
兩鳴鶴雲龍相逐終不能海南江東各飄泊彼之賢俊尙如斯  
我今耆頑當何若與君辦醉千億場誰道人間有紕錯

六月二十八日大雨馮君樹堂周君苜農郭君筠仙方以

試事困於場屋念此殆非所堪詩以調之

黑雲壓城真欲摧銀河倒瀉天如筵我巢倉皇變澤國嗟爾三  
子嘻可哈孔鸞欲爭雁鷺貪貪糞豈得逃天災矮簷埤危小於  
盞拳曲裁足容頸顛上雨旁風忽衝突蟄蟲有戶安能坏脫屣  
漂流不可覺筆牀茶臼何有哉馮君枯坐但閉日急溜洒面不  
會開周侯仰天得畫本倚牆絕叫添喧呶郭生耐寒苦索句飢

腸內轉鳴春雷卻笑羣兒薄心膽瑟縮啾唧良足哀丈夫守身  
要倔強雖有艱阨無愁猜我今高臥舒兩膝深簷大棟何恢恢  
白日鼾聲答雷雨殘滴初歇清夢回甘眠美食豈非慶又聞逸  
樂生禍胎數君健強齒尙未正可磨鍊筋與脢明朝日晴各轉  
鬪老罷戰罷還歸來爲君廣沽輒脚酒泥污不洗且銜杯

苜農旣和余詩而三子者皆見錄於有司乃復次韻

王師四出枯朽摧築城如鐵黃土筵公然一戰收全勝笑言啞  
啞何歡哈文章有時奏奇績不信五鬼能作災諸君運命頗磨  
蝸可憐顛頓愁眉顛年年力戰略城邑不分上國土一坏卻顧  
羣公無寸效封侯起第何難哉李廣旗亭遭醉罵衛青幕府排

雲開今朝背城偶自奮一呼振臂何轟厯皇天亦助昆陽捷亂  
飛屋瓦奔雲雷稍雪平生三北恥一洗往日千悲哀但令蠶食  
得小補休睨雞肋生疑精神龍卷舒在勺水綽綽進退真宏恢  
誼士飲河但解渴貪泉未到車先回要將廉退式鄉國坐看合  
浦還珠胎菟裘他年儻可老林壑休息舒脾膈不然崇階借尺  
木崢嶸富貴還鼎來升沈變遷不可必今日一樂聊干杯

題明陳忠愍公雪聲堂硯爲唐觀察樹義作

人聞尤物天所隘豪奪巧偷生災怪尙書老硯差復尤流落君  
家足一快區區石耳烏足珍重談勝朝可深喟金陵已破汀州  
摧桂林孱王甚矣憊書生椀榻陳老謀欲傾南溟洗兩戒西走

臨賀東珠江剗身莫醫六州瘡已聞餘燼飄煙埃復道妻孥饒  
杻械丈夫首斷心不懲賤妾癡兒況足芥袁粲狹巷猶塵槽張  
巡孤城已粉壞可憐此硯隨忠魂未了多生文字債文豹已弊  
皮尙存笑倩後人爲爬疥不須更道夢中緣已覺英靈接警欵  
阿翁作吏今龔黃惜哉老嵇亦翻鍛君今撫硯勸楹書世守積  
龜安敢懈惠然何日持示余我見石兄或三拜唐君得此硯於  
清遠舟中夢陳忠愍道及  
之因名所居曰夢硯齋

題醇士前輩爲滇生師畫竹巖前韻

鎖院重深春爛漫聖壁潭潭古所墁盡收羣彥歸樊籠有似神  
駒遭繫絆戴侯健者胸宇宏足迹略經九州半苦耆書畫拚金

錢頗睨蟬貂等塗炭錢唐夫子今儒宗藻火虎雖賴翊贊兩賢  
分吸西湖光東壁交輝北斗燦亦有繪事追宣和豈徒宏文敵  
貞觀頃來巨卷寫風篁欲學湖州贈內翰斷枝零葉不整齊但  
覺清風拂書案試院經今五百年文字何止千牛汗前水後水  
但東之萬事悠悠良可歎獨有名墨長流傳壽世不隨星霜換  
故知雨露濡李桃不如風雲生肘腕我今老硯久荒蕪圖史拋  
如秋籜亂外文內節兩無稱蠢蠢班行誰比算誓將歸牧竹石  
閒不管世途有陵岸戴侯畫牛有家法何不誤筆試一按尙書  
早兆調燮幾我亦願歌南山祭

謝岷樵

市塵交態角一鬪朝爲沸湯莫冰凍江侯爾豈今世人要須羊  
左與伯仲漢上鄉生猿者徒臥病長安極屢空謂鄒柳谿導養難絕  
三彭仇惡讖欲尋二豎夢君獨仁之相掖攜心獻厥誠匪貌貢  
執役能令賤者羞感物頗爲時人誦丈夫智勇彌九州守愚常  
抱漢陰甕不學世上輕薄兒巧笑人前事機弄昔我持此語馮  
生謂樹沈飲深觥豈辭痛郭生酒後猶激昂謂筠往往新篇發  
嘲諷君今勁節盤高秋況有詩句驚萬眾喜雨一章已恢奇猶  
嫌伏轅受羈鞅頃來貺我珍瓊瑤韜以錦囊無殺縫我今塵海  
久淪胥方寸迷濛足霧霧乃知貧賤真可歡富貴縻身百無用  
因君寄語談天客狂夫小言或微中但教毛羽垂九天未要好

風遽吹送

鄒興愚字柳谿新化人客居陝西興安道光庚子舉陝西鄉試家酷貧而自守嚴不苟取今年大病京師不得與禮部試醫藥雜役皆岷樵躬之急難之誼吾見亦罕予既爲此詩後十日而興愚死予與岷樵及興愚之族兄子律三人者爲經紀其後事秩然可以無悔將以七月歸其喪興安岷樵蓋有終始者子律字春生亦篤士六月十二日附記

移居偶成

前人栽藤後人看我年於藤未及半前人種竹青成林舞影窗

月清我心況有丁香海棠樹堆砌牡丹亂無數霜風但遣枯枝立春光猶遲隔年度獨立何必念芳菲正肅氣與天地遇此身今古如脫屣人得人弓等閒耳冰霜百物半摧藏掃除一室吾安事轉眼花開春事新四座唯延澹蕩人讀書養性聊爲樂日可招要梅子眞

陳慶覃詩鈔題辭三首

魏王大瓠號豐碩酌水盛漿百不適丈夫身手豈不良沈沒詩篇眞可惜嘒嘒道古無一符畫脂工夫竟何益我昔鏤肝好苦言今來百憂頗冰釋誓將輟軫收哀彈不唱君家行路難近聞西蜀甚陸梁驅人大邑如驅羊羣揭竿旌過都市廣開林

藪收畔亡新市下江頗竊發左谿橫水還披猖州家上名使家  
縱昔我經過心繁傷太平風塵亦如此胡不上書達天子

虞舜藏弓蒼梧野我家正渡南嶽下眼看鄉井多鬢髮凌周郭  
李皆健者何郎蒼老孫郎少君合眾銅付一冶楚人自古工語

言湘流到今悼屈買楸夫例縛文字禪劍頭一快真粲然

凌秋洲周

杏農郭筠仙李梅生何子貞孫芝房皆同鄉人也

### 憩紅詩課戲題一詩於後

鉛山不作桐城逝海內騷壇委寒灰龍蟄虎潛斷吟嘯坐令蚯  
蚓鳴驚雷憩紅先生頗好事欲拓詩國疆土恢號召英豪執牛  
耳大蒐燕翼選龍媒走章馳檄遍都市紛紛吟札如雲來較量

錙銖判殿最豈有魚目還珠胎傾身愛才劇如命酬字金帛布  
成堆達官貴人不好士先生此舉真豪哉嗟余楚狂百無用長  
安十載餐黃埃作碑無錢枉自苦乞米有帖長空回臣朔飢死  
侏儒飽古來顛倒何足哀偶然塗抹爲新句畫眉深淺乖時裁  
鬢髻飄零有誰惜錐刀角逐吁可哈豚蹏果遂篝車祝一笑取  
醉三百杯

### 書朱皋亭家傳後

韓公會作董生行坡老亦詠姚氏堂末世文人苦孱陋雖有行  
誼無由彰徽州太守萬夫特承明一出腰銀黃政聲今鄰趙張  
右名翰昔在崔蔡行憶昨石渠同討論稱引先德何琅琅考亭



絕學半庭訓佩章奕葉仍作堂孝經五齡誦在口內則半編時  
相將一朝老親蒙霧露醫不能力巫難禳妙年誠心破金石午  
夜剗臂和羹湯探丸何曾讓耆域臥冰殆欲嗤王祥誰言昊穹  
關且遠小叩大應如宮商阿耶道躬既純固阿兒行義宜褻揚  
漢家本來重孝友薄俗尤應式厯涼豈謂虛舟藏大壑空教幽  
獄埋寒鋸獨畱孤兒好頭角神駒墮地不可當逸足騰踏蓬島  
路八載與我同趨踰昨年一麾出歛浦南飢北渴永相望白塔  
觚棱晨漠漠黃山煙靄暮蒼蒼懷人卻寄相思字念祖仍徵述  
德章前人艱危事栽種後人但識嘉蔭長卽今梗枿貢天府莫  
忘老幹在冰霜

送周文泉大令之官城武

周侯爲政知者鮮地小裒長自不展早歲讀書如老饑堆案徧  
嘗盡百鸞詞源一瀉不得休往往巉巖雜婉變頻年大海泣遺  
珠卅載湖南縮銅篆本因名父求蕭威始見分符來張緬深藏  
干邪匿銛鋌盡壞屏障通關鍵閒官那暇自料理時逢順風亦  
遷轉由來赤令須老成早有仁聲先流衍東窮二酉緣砒崖南  
人九疑踏秋蘚馬援舊愁惡氛惡文翁新化善俗善忍教蠻犵  
歎無孺坐看獐猿來解辦蘆笙銅鼓喧弔歌苗婦熨童通綵繒  
我亦自是湘中人有賢不知嗟何淺長安一見兩無猜詎比尋  
常徒睇眙大開戶牖吐真氣倒決江河放清辯拘守咫尺聞苦自

繩我固儒酸君未免方今要路爭騰馳綬輩兼程獵華顯高車  
大馬塵埃香翠羽長纓腰腳輒看君敝褫猶絢繪長是敗茵策  
驚蹇行橐賸有書滿箱公廚會恐塵生甌此去清風入濮曹定  
知甘露灑青兗誰云廉吏不可爲須信夷途百無舛陽城豈畏  
書殿考卓茂終當膺首選邇聞海國還喧咋此邦幸未近兵燹  
可憐疲民困科條有如聚蠹遭蹂踐豈無積弊含瘡痍聊欲爬  
梳愈疥癬枯魚在轍誰能久惡草當門要須翦知君不薄芻蕘  
陳世俗但解筍蒲餞明朝一別各東西愁緒多於甕大醜

送凌十一歸長沙五首

昨日微雨送殘秋落葉東西隨水流世間萬事皆前定行止遲

速匪自由謀道謀食兩無補祇有足迹徧九州一杯勸君且歡  
喜丈夫由來輕萬里

皇天陶鈞造萬器甕盎餅罍巧安置頗怪君材無不能胸中多  
藏如列肆刀光刺眼瞬不搖小事癡駭大事智吁嗟世事安可  
知干將補履不如錐

螺贏負青蟲祝祝亦相似眼見平地矗高臺縮版登登無基址  
王侯將相豈有種時來不得商進止君歸讀書更十年看君白  
日上青天

憾我不學山中人少小從耕拾束薪朝去暮還對妻子殺雞爲  
黍會四鄰世事癡聾百不識笑置詩書如埃塵君歸自有青塘

山築室種樹莫言艱

如我自鏡猶可憎非君誰復肯相偶寂寞陋巷長叩門三日一  
見開笑口常時徒步噉塵土偶然驅車馬如狗君此歸去慰門  
閭我今畱滯當何如

送謝果堂前輩歸江南

我昔曾讀知恥集憾不追逐參翔朝當時小人竊國柄狐鳴梟  
噪何貪饕霍家奴子青油幃夜半狹巷公嬉遨一朝燒車震都  
市驄馬御史真人豪至今朝士誦遺直言之凜凜寒生毛先生  
早聞過庭訓豈有勁幹能枉撓謝薌泉先生名振定爲御史時  
曾燒利坤家奴車旋以他事中  
傷落職嘉慶四年起復爲禮部主事廿年作吏領畿赤王事何  
今上嘗呼果堂爲燒車御史之子

曾怨賢勞爲憐疲民困蹂躪親撫積瘵勤爬搔豫州豐碑吾所  
見德政猶傳萬口半復聞巴夔魍結惡十載邊陲苦繹騷先生  
手草諭蜀檄剖巢熏穴鼪鼯號殺賊自是書生事成功屢蒙

聖人褒

果堂討平四川夷  
匪賞戴花翎

陳立餘威懾駟冉文翁雅化烝譽髦

方今時俗忌博譽傲傲萬眾舖醜糟卻笑先生抱古調冒隨里  
耳同喧嘈誰言夷途百無舛未免奇數時一遭大江東下日滔  
滔濁水沈珠不可撈使君一去萬人哭牽衣遮道何嗷嗷蛾眉  
謠詠古所惜坐使斧柯終倒操揭來長安談舊事磨礪圭角深  
自韜削如太華立千仞絕頂秋隼下平皋始知老輩尙嬌節堪  
晒薄俗徒塵囂嗟余昏頑大無識隨人俯仰如桔槔頻蒙美言

藥狂督須臾便達育與膏昨者告別驚何遽歸心已似風中旄  
逝將買山學耕釣行且築室誅蓬蒿世事癡聾不復問典衣取  
酒樂陶陶天空地闊網羅少黃鵠一舉何其高紛紛燕雀非吾  
曹

題王少鶴夔砧課讀圖

破屋荒園陰雨候桐樹清陰向人覆兢兢危巢鳥舖穀風窗瑟  
縮鐙如豆砧聲清切姊心悲書聲啻胡姊淚垂天乎汝此不自  
力豈惟乃姊摧肝臆二親魂魄長嗚咽躍馬天街得路回龍鍾  
老疾姊顏開一笑迎門雪雙涕此日當時互悲喜當時荒園姊  
攜弟此日安艫弟迎姊鳳詔輝輝賁下泉柳江春色煥雲煙

長途珍重難爲別願且無忘在莒年

丙午初冬寓居報國寺賦詩五首

閉門百慮叢憂煎出門葛蔓相糾纏苦被塵埃縛欲死脫身來  
此親僧瓊老松大槐遮四徑日月爲我生光妍道人龍鍾五十  
七黝深碧眼珍珠圓烹茶煮餅時勤我亦有山果堆初筵橐駝  
對座不相管兩家各有無言禪皋夔稷契非吾事休囚饑飽付  
皇天

去年肺熱苦吟呻今年耳聾百不聞吾生卅六未全老蒲柳已  
與西風鄰念我識字殊珍少淺思詎足燔精神忽憶軒頡初考  
文羣鬼嘒夜天裂晨斯高揚馬竝姦怪召陵祭酒尤絕倫段生

晚出吾最許勢與二徐爭嶙峋惜哉數子琢肝腎鑿破醇古趨  
囂囂書史不是養生物雕鑿例少牢強身我今日飲婆娑尙不  
樂嗟爾皓首魚蟲人

長安十月飛繁霜西風落葉戛金商道場隙地一千畝頽垣破  
礎淒荒荒壞塔陂陀野狐噪華楹漫漶飢鼠忙憶昔憲皇興作  
日飛樓湧殿何巍昂外家恩澤敵田寶祖師勢要凌侯王三百  
年來變陵谷龍象孱弱黜黜狂毗盧閣子今安在向時鐵鳳蟠  
穹蒼銅駝荆棘古所歎今我何爲獨旁皇鼻涕垂頤不須管況  
問人世滄與桑

俗儒閣閣蛙亂鳴亭林老子初金聲昌平山水委灰燼可憐孤  
臣淚縱橫東西南北轍迹遍斷柯缺斧終無成獨有文書巨眼  
在北斗麗天萬古明聲音上溯三皇始地志欲掩四子名丈夫  
立言要須爾擊壤拊缶烏足鳴嗟余孱退昏庸百不力付與四  
海劉傳瑩

劉郎三十甘蒿萊荷篠著書真豪哉郭生辭我還鄉國東遊章  
貢噉紅埃跌宕江山要詩句傾倒懷抱須尊疊此閒頗似酃池  
寺但少晁張楚然來朝飢夕渴不可解安得銀潢倒落注金杯

訓李生三首

一別李生今四載我有情懷浩如海白日西下江水東嗟余與  
女不相逢念女春秋正壯大勳名邂逅能鼎鐘三年五年伏不

出鏡中便恐改昔容丈夫自謀要深遠求田莫問陳元龍深山窮谷霜鍰老何人拂拭青芙蓉

曳尾不羨宗祏龜孤豚不慕太廟犧我今等閒爲世用自憐骭麟百不宜海國波濤一萬里天吳罔象相娛嬉 聖主宵衣事展轉小臣孱薄何能爲胸中不辨管與樂囊中嘗少淺與耆朝歛夕噫不自得俛首長誦鵜梁詩

孫生粲粲如刻苕玉立偕女雙瓊瑤同作二喬好夫婿盛年咳唾干雲霄蜀山峩峩蜀江闊終有畸士光斗杓文章不是救時物揚雄司馬烏足驕男兒萬事須嘗膽詎肯僥倖呼盧梟女曹報 國好身手看我蹉跎已老醜

次韻戴醇士邵蕙西見過

去年城南臥古刹高秋萬葉聲鳴戛病中強哦七字詩欲調苦腸變甘滑樞府先生辱相和神鬼雕鐫何桀黠除險語歸溫柔痛與鄙人砭茁軋我時鄉夢正南飛欲促歸裝理脂葦奇章偉句不能報自慙久暗菴與蜚豈期歲序遽周遭西風蕭蕭又愁殺東烏西兔老鞭笞鏡裏催人雙鬢鬪二賢忽來曠我懷高論邱索窮九八但得尊前賭歡笑遑冀身後誰識察紛紛人海縛簪纓汨汨天刑被髡削何時卻隨兩閒鷗摩空一盤萬里鷗

題平谷山莊圖

十年京國蹋朝鼓九陌黃塵塞肝腑已分喧囂儕市估忽夢歸

去釣湘煙洞庭八月水如天沙鷗與我抵足眠醒來依舊馬嘶  
慄車聲隆隆震牆壁始知樊籠困羽翼開圖對此好谿山萬重  
雲水一僧閒清輝照我塵裏顏何日飄然鞞芒屨往尋盤山松  
下路買鄰來傍羊求住

題王麓屏扁舟歸養圖二首

冷風融日作好春吾子嘉遯逢茲晨長安高蓋擁衢術住者牛  
毛去者麟平明趨衙莫退舍日日人前伺喜瞋誰識扁舟五湖  
外尙有朝士梅子真

漣水之頭資江尾十年同違桑與梓君去芒屨踏萬山谷鳥崖  
花各歡喜白頭老母迎門笑傾身一拜兒歸矣我今濡尼不知

還援鶴息壤猶在彼

書嚴太守大關賑糶詩後

去年河北哀鴻磬千里剝地境無毛糶牲瘞圭百不應妻兒鬻  
食夫遁逃吾皇慘惻軫飢溺銀潢下灌傾恩膏詔發內  
儲一百萬拯置枉席蘇號咷頗聞洪波有滲漏蠹賊難防胥役  
贛令我苦思循良吏部勒仁政明秋毫麗江太守今召父噢咻  
赤子歸甄陶政成蠻犵罷歌舞跌宕滇海窮詩騷竭來金門謁  
帝座一編示我何桀鷲賑糶兩章尤警絕風格欲與次山爭  
旌旄大夫出疆得專擅汲黯發粟史所褒叔世議賑非細事走  
章馳檄相訾警州家申求使家阻民冊吏牘如山高君能奮身

拯水火一破積習萬口牢畫脂不是壯夫業詩外有事真賢豪  
安得九州徧公等撫摩萬眾離煎熬作歌聊用勸來哲下考莫  
晒陽城勞

送黎樾喬侍御南歸

原六首前五首  
五古見第一卷

驄馬鑿蹏行如飛幡然下馬賦歸去諫草上付九重天扁舟遙  
指三湘路先生素志在湖海復欲蒼生歸陶鑄十年風緝虎觀  
書六載霜冷烏臺樹滄海鯨鯢浪正高洪河蛟蜃秋尤怒杜老  
窮年憂黎元賈生伏闕陳時務虞廷自有龍夔在朝士誰結巢  
由慕長安風寒秋氣高離筵酒暖日色暮共因去國惜歐九私  
喜見幾繼疏傳昭山樹古霜逾瘦洞庭水深寒可渡定將蹤迹

溷漁樵猶有耕桑酬雨露他年拂衣我歸來爲訪先生嘉遯處

題張石舟煙雨歸耕圖

靖陽老翁飢不死四十年來噉書史一朝悔悟思改弦萬卷書  
拋如脫蹤高車大馬謝羣兒草服黃冠吾歸矣朋知聚處頗相  
怪問翁生涯欲何以東阡南陌一毛無四海九州將安底翁言  
少小晞夔皋曾對老蒼矜爪背幾年束縛蠶在匡數輩响濡魚  
乞水中散自憐七不堪於菟但聞三見已閱世蠻觸多戰爭策  
身臧穀無完美逝將巖壑躬耕桑不受邱軻老鞭筆軀體諒非  
百年物夢魂倏在千山裏煙雨濛濛插新秧短渠瀲灩長鱸鮓  
泥飲邨農與酣嬉招呼黃犢同臥起翁言未終我已躍此身不



歸神先徙行趨神武挂衣冠往尋谷口買鄰里誰能皓首黃塵  
中項短尻高不知恥

### 太學石鼓歌

韓公不鳴老坡謝世閒神物霾寒灰我來北雍撫石鼓坐臥其  
下三裘徧周宣秉旄奠八柱岐陽大狩鞭風雷四山置學而天  
布羣后冠帶如雲來東征北伐盪羶穢方召嘽嘽何雄哉銘功  
鐫石告無極欲鎮后土康八垓自從七國戰龍虎荒荒王迹淪  
蒿萊羸顛劉蹶六代沸把酒但勸長星杯陳倉流落一千載霜  
鬢日剝空黃埃國子先生老好事欲比郢鼎珍瓊瑰東都相公  
守右輔始昇泮沼剝蒼苔五季蝸蟾頗星散司馬刺史初重恢

是時十鼓嗟失一拋棄不辨何山隈博搜民間得異曰秦關復  
贖連城回宣和天子嚮儒雅太清書畫千雲堆詔移此石歸汴  
水園橋觀聽何轟虺行填字鉤發光怪照耀艮岳金碧開豈知  
六龍卒北狩法物曾不禳凶災高車大牛輦萬貨填坑咽谷驚  
三才是鼓蒼黃亦北徙重器始此蟠燕臺道園詩翁主太學興  
舉百廢扶傾頽中門兩棖與位置華楹大棟增崔嵬承以磚墻  
護以檻清陰四翼連疏槐邇來春秋閱五百光氣夜夜騰斗魁  
聖清文明邁巢燧搜抉書契窮根荻從臣技能半史籀別作  
新鼓相追陪小儒昏鈍無所識得從械樸備條枚細思物理窮  
顯晦茫茫人事不可推作歌聊繼二公後不羞鴛鴦隨龍媒

題朱伯韓侍御之尊人詩卷手蹟

異時河內初陸梁誰其禦者朱與強強公身死翦妖黨 殊恩  
稠疊旌國殤朱公墨守一黑子遮蔽懷衛如苞桑時適歲邁三  
十載事過頗憶張睢陽吾 皇繼序錄勳伐詔祀名宦褒忠良  
流芬遠韻不可賣遺墨始此瞻暉光詩律欲傳杜宗武風徽略  
近元漫郎公家表師吾所友向人繾綣好肝腸往時嬌養比蒼  
玉今日柯條還老蒼諫章九門懾虎豹文事四海知班揚阿季  
行能亦超趨輕收科第如掇筐永慰老翁山下魄九原一笑能  
軒昂近聞汴州赤大地千里滌滌無罌糧析骸易子都窮盡公  
之舊部亦流亡河北枯樹相枕藉關西寇盜仍披猖安得如結

且千輩散布都邑蘇痍傷摩挲此卷三太息聊表先正詒方將  
題簷篋谷圖

我家湘上高峯山茅屋修竹一萬竿春雨晨鋤劔玉版秋風夜  
館鳴琅玕自來京華瞻車馬滿腔俗惡不可刪洞庭天地一大  
物一從北渡遂不還苦憶故鄉好林壑夢想此君無由攀嗟君  
與我同里社誤脫野服充朝班一別簷篋謝猿鶴十年臺省翔  
鴻鸞魚須文笏豈不好卻思鄉井長三歎錢塘畫師天所縱手  
割湘雲落此閒風枝雨葉戰寒碧明窗大几生虛瀾簿書塵埃  
不稱意得此亦足鐫疏頑還君此畫與君約一月更借十回看

答李生

我年廿四登鄉貢始與劉蓉相追陪延津雙劍忽會合深夜挂  
壁鳴風雷勳名自謂凌管樂文采何曾怯鄒枚豈知義和鞭日  
月頭上光陰火急催老劉偃蹇不稱意酸寒一杓初受裁我雖  
置身霄漢上器小僅儕竈與鬪立朝本非汲黯節媚世又無張  
禹才似驢非驢馬非馬自憎形影良可哈中天廣殿鏡雲開飛  
薺結搆要羣材倦眼相徧天下士焉知吾國有顏回李生年少  
風骨峻驍騰汗血龍所胎平地一朝能九仞欲與老劉爭崔嵬  
萬里辭家來從我如金受冶玉受鎚斲輪祇有一心喻獻璞翻  
爲兩足災世上升沈日干變得失於我何有哉朝來告別問何  
往迎婦塞外祠高禩長安自是別離海新婚便作錦繡堆離情

古語雙恟怛新詩妙句干瓊瑰我有一言生聽取冰檠乃爲福  
之媒富貴綺羅遭鬼瞰憂患可以堅筋骸陳平終非貧賤客王  
章莫忘辛苦懷邊關十月雪黏天勸生爲我盡一杯

題唐本說文木部應莫邵亭孝廉

插架森森多於筍世上何曾見唐本莫君一卷殊瓌奇傳寫云  
自元和時問君此卷有何珍流傳顯晦經幾人君言是物少微  
識殘賤黯黹不能神豪家但知貴錦裘陋巷誰復憐綦巾黥縣  
令君持贈我始吐光怪干星辰許書劣存二百字古鏡一掃千  
年塵篆文已與流俗殊解說尤令耳目新乾嘉老儒耽蒼雅東  
南巖段竝絕倫就中一字百搜討詰難蠶起何斷斷暗與此本

相符契古轍正合今時輪乃知二徐尙鹵莽詒誤幾輩空因循  
我聞此言神一快有如枯柳指馬疥我昔趨朝陪庶尹頗究六  
書醫頑蠢四海干戈驅迫忙十年髀肉消磨盡卻思南閣老祭  
酒舊學於我復何有安得普天息櫓槍歸去閉戶注凡將

贈吳南屏

春霖颯沓天如縫大麥菸邑小麥摧愁顏彌月何曾破故人飛  
權從天來與君握別纔幾日已見新火十鑽槐當時洞庭醕別  
酒乾坤戰伐正喧歷沅湘義軍參差起十事欲成九事乖英豪  
半藏蜀國血大地徧種秦時灰卽今南紀風塵靖亂後遺黎多  
售災荒村有骨飼狐貉沃土無人闢蒿萊筋力登危生理窄斗

粟誰可易嬰孩三里誅求五里稅關市或逢虎與豺謬領大藩  
二千里瘡痍不救胡爲哉羨君高臥君山頂吞吐湖月無愁猜  
世味飽諸肱三折長吟極望天四隕招邀軒轅論古樂渝祓屈  
氏餞餘哀談經頗折巨儒角手攜皜日照昏霾翩然一葉忽東  
下相見各憐雙鬢皚甯知滄桑閱百變復此對持掌中杯蒼天  
可補河可塞祇有好懷不易開努力且謀千日醉高談巢燧訖  
有部

游金山觀東坡玉帶詩

去歲歸颿拂金山咫尺浮圖不可攀今年又剪瓜洲渡扶攜妙  
友陟屨顏簿領叢中困桎梏脫身一試腰腳頑微風蹙江眾皺

靜一抹橫吞東海寬  
 耿耿樓觀今安在  
 無情瘦石空巒岼  
 六  
 飛昔臨浮玉頂  
 御榻霄漢千龍盤  
 兵火十年變陵谷  
 道場百  
 畝荒榛菅頽垣  
 不見螭纏棟荆扉  
 無復獸齧環古佛  
 負牆溼秋  
 雨雛僧無食號夜  
 寒獨餘蘇公舊法  
 服腰玉片片畱人  
 閒紱佩  
 流傳七百祀  
 天章褻寵同錫鞶  
舊玉帶有殘缺 純廟敕內府琢玉補之 題詩五章  
 我懷峨眉老尊宿  
 翱翔人海如鳳鸞  
 揚子江頭數來往  
 幾回愉  
 樂幾悲酸  
 北去烏臺判死別  
 南遷嶺表絕生還  
東坡往來江上屢過金山惟自惠州兩次經過金山尤極艱苦磨  
 蝎作災魍魅壯荆棘  
 塞天行  
 路難差喜名山藏  
 故物長倚江月照  
 忠肝巴陵詩叟抱  
 奇逸齋  
 盟早歃風騷壇斂  
 板厭束湍明帶談  
 經時敲子夏冠昨  
 來省我

鍾山麓今此東遊興  
 未闌扁舟更欲探  
 甌越誓窮人力發  
 天慳  
 嗟余本志耽邱壑  
 羈束塵鞅無由刪  
 江山自佳日自富  
 堪笑紛  
 紛苦不閑

曾文正公詩集卷三

五律

早起憶九弟二首

別汝經三月音書何太難  
夜長魂夢苦人少屋廬寒  
骨肉成飄泊雲霄悔羽翰  
朝朝烏鵲噪物性固欺謾

尙餘詞賦好隨眾頌康哉報  
國羌無力擎天別有才  
寒雲迷雁影遠道望龍媒  
百尺金臺矗看君躩蹠來

得郭筠仙書竝詩卻寄六律

展轉看書字嗟君亦老蒼  
昊天眞藐藐白日故堂堂  
與子相期事窮年恐不償  
憂來聊飽食吾壽會無央

大雅悲淪歇斯文久不尊至情宜倔強吾道有離藩仰首呼虞舜狂歌答屈原自非君子性茲意固難論

垂耳甘芻豆儒冠信誤人長爲羈旅客嗟汝少年身物極能思返天心會好仁鹿鳴歌旨酒滴滴入君脣

閒閒觀物化耿耿究時喧誼士羞要譽廉夫重報恩賈憎惟片語求福實多門種蕙怡幽獨歸休勿復言

昨來殊不適日落獨登樓西北看遼瀋東南望海陬蒼茫懷百代浩蕩足千愁畫肚思長策嗟余肉食謀

日日懷劉子謂孟容時時憶郭生仰天忽長歎遠屋獨巡行雲暗乾坤隘風來戶牖鳴孤吟無與賞寸憾浩縱橫

寄弟三首

去年長已矣來日尙云賒身弱各相祝家貧儻有涯鄉心無住著望眼久昏花寥落音書闊多疑驛使差

咄咄延平劍英英江夏黃求聲方出谷一別各他鄉東下江河駛南征道路長汝儕身手健看我鬢毛蒼黃子壽彭年後起之秀子嘗命九弟與之交納

夢裏攜子季亭亭似我長三年不相見一變安可量神駿初銜

轡牽牛肩服箱朝朝偷芋栗知爾足奔忙季弟今年十四歲往年好食栗農芋避人

偷竊頑趣可掬

獨出

匪直完表好今年故未寒晚來還獨出宇內一何寬銜尾千人  
聚高蹠百馬攢天街原蕩蕩辟路亦非難

訪苗先麓

苗精說文之學著書四十年一貧如洗今年六十無子

大隱東方朔箸書揚子雲出門無所詣落日一從君倦鳥宜何  
集閒鷗亦有羣烹茶餘幾火小啜愧殷勤

苗無僕從親煮茶敬客

懷劉蓉

我思竟何屬四海一劉蓉具眼規皇古低頭拜老農乾坤皆在  
壁霜雪必蟠胸他日余能訪千山捉臥龍

歲暮雜感十首

殘歲垂垂盡囂塵逐逐忙世人同一悔匪我獨顛狂身計嗟頻

左家山亦未忘時猶憂世事此志固荒唐

殺氣行南紀溫風轉北條陽和迴地幹神鬼助

天朝挾纊三

軍舞層冰萬里消小臣長皦皦無術贊唐堯

江浙去年大雪京師今歲不甚寒

堯臯無並育天地詎終溫此日咸陽市當年上蔡門風雲悲昔

遇霜露等深恩聞道南山木窮冬尙負暄

壯歲耽經訓艱難始一隅力耕無近穫陟古有通衢茅塞由來

久蓬生且待扶國讐猶未雪何處著迂儒

四山仙侶會角逐事賡歌日日爲詩崇人人被墨磨相從良可

適不樂復如何尙有平生友飄零在澗阿

久矣劉生隔孟容嗟哉信爾賢才高防作聖情極屢逃禪歧路多



魑魅深山足歲年狂風能作劇吹我墮君前

阿弟光明者甫沉愛兄心尙孩良時無汝共雅抱向誰開難就陸

雲業多慙許武才皇都甯不美捨去竟何哉

萬族求饒益吾謀頗用疏民生各心性天道有孤虛得俸堪加  
飯無錢且買魚逐貧思作賦才薄欲何如

浩浩翻江海爭奔且未闌古來名利客誰不到長安獨立看參  
昂橫天如此寒官能尋冷淡夜夜照簷端

爆竹家家沸兒時此味長追歡斟綠螳隨例祀黃羊明日夔龍

集中天日月光八年吟舊句回首但蒼茫乙未年曾作歲暮雜感詩十首

### 桂湖五首

新都桂湖明楊升庵修撰故宅也使旋過此縣令張君  
宜亭招飲湖上爲賦此詩

遂別華陽國歸程始此賒翻然名境訪來及夕陽斜翠竹偎寒  
蜨丹楓噪暮鴉詞人云異代臨水一咨嗟

短城三面繞淺水半篙寒鳥過窅殘日魚行起寸瀾秋來樓閣  
靜幽處地天寬平昔江湖性眞思老釣竿

十里荷花海我來吁已遲小橋通野港壞艇臥西陂曲岸能藏  
鷺盤渦尙戲龜傾城遊女盛好是采蓮時

矮桂枝鉤瓊叢篁葉打頭隄行皆仄徑路斷得高樓欄檻千迴  
錦琉璃五色秋落霞沈水底綺散不能收跨水一樓名沈霞榭

頗憶家山好去鄉茲六年此間行樂地小有洞庭天點綴須人  
力招尋信妙緣使君殊不俗把酒意茫然

至日二首

久行忘節序夙莫但奔忙茲旦卽長至我征仍未央寒雲低樹  
白邊日際山黃時覩南來雁飄零不作行  
海市三年舶河源八月槎水衡勞碩畫漆室足咨嗟天步方長  
健民饑亦有涯燔柴崇大禮靈貺正來賒

雨

稍稍車塵隔安閒一閉門高歌亦未輟驟雨方此喧宿霧依城  
靜低雲入樹昏空庭瀦盛水容易卽江邨

送吳英樾之官浙江兼簡魏黃生大令三首

一第尋常事服官方獨難書生長短淺世態自波瀾被褐欲誰  
語濫竽仍未安無言堪汝贈只是耐加餐

大邑匪輕寄斯民會可蘇養魚防攬水牧馬合求芻兵甲連滄  
海瘡痍正道塗樂郊枯旱久遲子一霑濡

魏子好心事相從興頗賒與君聯肺腑棄我各天涯煙雨黔山  
道風濤海國槎東南彌萬里吟望一長嗟

魏君與吳爲婚姻謁  
選得貴州縣令也

送鄧伯昭兼簡家伯醇秀才三首

萬里西風道艱哉信爾行力耕無半穫寒日耐孤征身世嗟杭  
葦文章一覆杯平生餘意氣未惜爲君傾

君家老癡叔海內久詞宗謂湘皋廣文歲晚餐幽菊空山倚冷筇我  
今方速謗茲味亦非濃他日龐公榻來尋物外蹤  
吾宗良大雅老矣尙巖阿六載長乖隔百年能幾何高明遭鬼  
侮圭璧受沙磨動忍由來事無爲棄斧柯

莫過竹如

維摩元未病子祀空復疑薄暮還相訪經旬繫我思深談四壁  
靜交道一燈知天畢看西下來歸亦未遲

東鄰杜氏義塾

稍得塵埃隙來茲一散襟喧車闕四聽時鳥送餘音亦有邊韶  
嬾誰能季主尋邨童休問字剖璞方自今

送王少鶴

待爾雙雙至春回又一年開尊皆舊友發篋半新篇荔子紅時  
雨芭且綠外天江鄉好風景話向酒杯前

送金竺虔之官閩中

朋好翩翩去君今傷此行春風一杯酒舊雨十年情循吏平生  
志神仙薄倖名海隅氛正惡看汝斫長鯨

七律

歲暮雜感十首

芒屨鎮日踏春還殘臘將更卻等閒三百六旬同逝水四千餘  
里說家山緇塵已自沾京雒羌笛何須怨玉關爲報南來新雁

到故鄉消息在雲間

高嶠山下是儂家歲歲年年鬪物華老柏有情還憶我天桃無語自開花幾回南國思紅豆曾記西風浣碧紗最是故園難忘處待鶯亭畔路三叉

莽莽寒山匝四圍眼穿望不到庭闈絮飄江浦無人管草綠湖南有夢歸鄉思怕聽殘漏轉逸情欲逐亂雲飛敬從九烈神君訴遊子於今要換衣

去年此際賦長征豪氣思屠大海鯨湖上三更邀月飲天邊萬嶺挾舟行竟將雲夢吞如芥未信君山剗不平偏是東皇來去易又吹草綠滿蓬瀛

紛紛節候儘平常西舍東家底事忙十二萬年都小劫七千餘歲亦中殤蜉蝣身世知何極胡蝶夢魂又一場少昊笑儂情太寡故堆錦繡富春光

韶華彈指總悠悠我到人閒廿五秋自愧望洋迷學海更無清福住糟邱尊前瓦注曾干局腳底紅塵卽九州自笑此身何處著笙歌叢裏合閒遊

爲臧爲否兩蹉跎搔首乾坤踏踏歌萬事拚同駢拇視浮生無柰繭絲多頻年蹤迹隨波譎大半光陰被墨磨匣裏龍泉吟不住問予何日斫蛟鼉

舊雨曾遺尺鯉魚經年不報意何如自從三益睽違久學得五

君世態疏碧樹那知離別憾青鐙偏照故人書殷勤護惜金鑪  
鴨香火因緣付與渠

擬學坡公饋歲詩花箋何處寄相思陽和未老貂先敝暖氣初  
回鳥竟知遊子情懷隨地遠 天家雨露及時施小儒莫獻

昇平頌幸傍 龍樓覩 上儀

蹙蹙歲鼓走輕雷竹馬兒童綵戲纔仙仗 九重圍霧住宮花  
一萬鎖煙開迷離佳氣從空繞不斷狂香拂面來我比春風尤  
放蕩長安日日騁龍媒

寄郭筠仙浙江四首

一病多勞勤護惜嗟君此別太怱怱二三知己天涯隔強半光

陰道路中免走會須營窟穴鴻飛原不計西東讀書識字知何  
益贏得行蹤似轉蓬

碣石逶迤起陣雲樓船羽檄日紛紛螳螂竟欲當車轍髑髏安  
能抗斧斤但解終童陳策略已聞王歛立功勳如今旅夢應安  
穩早絕天驕盪海氛

無窮志願付因循彈指人間三十春一局楸枰虞變幻百圍梁  
棟藉輪困蒼茫獨立時懷古艱苦新嘗識保身自愧太倉糜好  
爵故交數輩尙清貧

向晚嚴霜破屋寒娟娟織月倚檐端自緝行篋殷勤覓苦索家  
書展轉看宦海情懷蟬翼薄離人心緒繭絲團更憐吳會飄

客紙帳孤燈坐夜闌

三十二初度次日書懷

男兒三十殊非少今我過之詎足歡齷齪拏餅嗟器小酣歌鼓缶已春闌眼中雲物知何兆鏡裏心情只獨看飽食甘眠無用處多慙名字侶鷓鴣

憶弟二首

無端繞室思茫茫明月當天萬瓦霜可惜良宵空兀坐遙憐諸弟在何方紛紛書帙誰能展豔豔燈花有底忙出戶獨吟聊妄想孤雲斷處是家鄉

忽憶他時襄水上惡風半夜撼春雷舟人振舵聲同泣客子扶

牀面已灰仰荷皇天全薄命信知浮世等輕埃汝今歸去復何似回首世途誠險哉

襄陽遇風戊戌九月出都事弟今年南歸亦由襄水達武昌

漫與

今日今時吾在茲我兄我弟儻相思微官冷似支牀石去國情如失乳兒見慣浮雲渾欲語漫成詩句未須奇徑求名酒一干斛轟醉王城百不知

聞客話里中近事

蓬萊清淺信推遷回首鄉關事可憐今日朝簪陪未秩早時社鼓舞華筵陳平宰國無消息庾信辭家有歲年蹙蹙生涯非我里滔滔四望極敷天

元戎

大旆元戎喜起歌，舊時鼎鼐藉調和。豐貂長組朝金闕，駟馬瑯  
弓照塞河。黃閣居然元老在，蒼生竟柰此人何。誰憐寂寞揚雄  
宅，獨抱繁憂臥薜蘿。

溫甫讀書城南寄示二首

十年長隱南山霧，今日始爲出岫雲。事業眞如移馬磨，羽毛何  
得避雞羣。求珠采玉從吾好，秋菊春蘭各自芬。嗟我蹉跎無一  
用，塵埃車馬日紛紛。

嶽麓東環湘水迴，長沙風物信佳哉。妙高峯上攜誰步，愛晚亭  
邊醉幾回。夏后功名餘片石，漢王鐘鼓撥寒灰。知君此日沈吟

地是我當年眺覽來

早發沔縣遇雨

此身病起百無憂，敢爲艱難一怨尤。曉霧忽飛千嶂雨，西風已  
作十分秋。近知地利眞堪恃，早信人謀不自由。昨日定軍山下  
過蒼天，一望故悠悠。

初入四川境喜晴

萬里關山睡夢中，今朝始洗眼矇矓。雲頭齊擁劍門上，峯勢欲  
隨江水東。楚客初來詢物俗，蜀人從古足英雄。臥龍躍馬今安  
在，極目天邊意未窮。

梓潼道中有懷馮樹堂陳岱雲

言集卷三  
復嶂七盤相約束清流九曲與周遭日高旌旆鳥蛇亂秋老爪  
牙鷹隼豪北望幽燕天漠漠東歸歲月水滔滔江山如此知交  
隔獨對菱花數二毛

早發武連驛憶弟

朝朝整駕趁星光細想吾生有底忙疲馬可憐孤月照晨雞一  
破萬山蒼日歸日歸歲云暮有弟有弟天一方大壑高崖風力  
勁何當吹我送君旁

三十三生日三首

三十餘齡似轉車吾生泛泛信天涯白雲望遠千山隔黃葉催  
人兩鬢華去日行藏同踏雪迂儒事業類團沙名山壇席都無

分欲傍青門學種瓜

六載承明饜祕書河東一賦又吹嘘多慙袞職無遺事實藉文  
言有慶餘白璧出山終就琢黃金擲谷總成虛何時卻返初衣  
好歸釣蒸谿縮項魚蒸水去吾家十里

苦飫風塵未息機駑駘已絡紫金鞵詩禪入悟無三昧世路回  
頭有百非翁子少年原落拓承宮家世本清微故山鷗鳥吾盟  
在謂劉大曾記江邊各忍饑

國士橋趙城縣西

亂鴉呼噪若爲情疲馬逡巡尙欲驚遭遇一生容可再艱難萬  
死竟無成至今平楚風猶勁終古寒流意未平他日王孫知己



感可憐鐘室淚縱橫

哭少時同學某

君嘗三試有司被黜以事牽連爲吏胥奇辱貧鬱以死

少日低飛各羽翰幾年茵溷不同看竟緣無食填溝壑終古銜  
羞在肺肝蟻戰莫償三北恥蠶僵更吐一絲難寡妻弱子知何  
倚雪虐風饗可耐寒

送妹夫王五歸五首

飄然棄我卽山林野服黃冠抵萬金滾滾污塵得少辟茫茫歧  
路一長吟梁鴻旅食妻孥共蘇季貧歸憂患深東去大江蘆荻  
老皇天颯颯正秋霖

荆楚梗枿夾道栽於人無忤世無猜豈知斤斧聯翩至復道牛

羊爛漫來金碧觚棱依日月崢嶸大棟逼風雷回頭卻羨曲轅  
櫟歲歲偷閒作棄材

高峩山下草芊縣去國蹉跎今六年邨老半聞悲薤露人間容  
易卽桑田炎雲涼雨有翻覆舞榭歌臺況變遷莫訝榮枯無定  
態君今猶守舊青瑣

王氏故富室今貧矣

有齊季女吾弟行操白君家老孟光曾是弋鳧相勞饗猶聞雛  
鳳已軒昂秦嘉上計心情薄王霸躬耕身世忘織屨辟纊終古  
事牛衣歲月卽羲皇

老弟三年困省門寒山無律可回濫由來命分政須爾久信文  
章不足尊南雁乖違少書信西風牢落對乾坤因君傳語告子

季失馬亡羊莫更論

訓九弟四首

違離子季今三載辛苦學詩絕可憐王粲辭家邁多患陸雲入  
洛正華年輪轅塵裏鬢毛改鞀鼓聲中筋骨堅門內生涯何足  
道要須嘗膽報堯天

漢家八葉耀威弧冬幹春膠造作殊豈謂戈鋌照京口翻然玉  
帛答倭奴故山豈識風塵事舊德惟傳嫁娶圖長是太平依日  
月杖藜零涕說康衢

杜韓不作蘇黃逝今我說詩將附誰手似五丁開石壁心如六  
合一游絲神斤事業無凡賞春草池塘有夢思何日聯牀對鏡

火爲君爛醉舞僊傲

辰君平正午君奇屈指老沅真白眉入世巾袍各骯髒閉門諧  
詐卽支離中年例有妻孥役識字由來教養衰家食等閒不經  
意如今飄泊在天涯

澄侯以庚辰生  
溫甫以壬午生

贈梅伯言二首

隘巷蕭蕭劣過車蓬門寂寂似逃虛爲杓不願庚桑楚爭席誰  
名揚子居喜潑綠成新引竹仍磨丹覆舊讎書長安挂眼無冠  
蓋獨有文章未肯疏

單緒眞傳自皖桐不孤當代一文雄讀書養性原家教績學參  
微況祖風眾妙觀如蜂寺蜜獨高格似鶴齋空上池我亦源頭

識可柰頻過風日中

夜直苦寒

白虎西流朱鳥高五更風利鷲鷲刀勁寒戰栗通心曲轆氣冰  
霜上口毛曠蕩青天如可對折旋丹地敢辭勞頻聞交戰呵金  
馬驀入鐙廬灸凍毫

吳宮黃病中屬市鹿尾

越舫迎來手指干屋多不畏貯風偏華鐙鄉話初長夜藥椀吟  
愁欲雪天陽氣眉間回病客元精至後固崖仙內廚斫取殷紅  
色判費西清月放錢

臘八日夜直

翻從官宿得閒時仙掖深深晝掩帷靜向古人書易入寒偏今  
日酒堪持濃醴說獻宮中佛晴雪看分禁裏墀日暮武英門外  
望井闌冰合柳枯垂

失題四首

抽得閒身鶴不如高秋酒熟鞠黃初便驅天駟識途馬歸釣江  
鄉縮項魚往日心情隨轂轉今來身世似舟虛不須更說知幾  
早且喜塵緣盡剗除

蚤雨蠻煙日日催側身周望重低徊海濱膏血深無極帳下笙  
歌自莫哀安得賈生時痛哭可憐楊僕本庸才投章欲問茫茫  
意何處通天尙有臺

金堤舊漬高家堰復道今年盛昔年自古塵沙同浩劫斯民塗炭豈前緣沈江欲禱王尊壁擊楫誰揮祖逖鞭大廈正須梁棟拄先生何事賦歸田

兩度歸帆沂上流蕭蕭落木洞庭秋送君此去風前酒憶我當時月夜舟宏景舊居句曲洞杜陵新卜浣谿頭好栽修竹一千畝更抵人閒萬戶侯

丁未六月七日考試漢教習試院作二首

潭潭深院鏑扁牢闕日溼雲作鬱陶薄茗何曾解消渴纖絺便欲等重袍高堂燕息尙如此矮屋蜂屯母已勞得失升沈紛滿眼世閒人事等牛毛

虞廷胄子肄聲律漢室小侯齒辟雍銀漢支流原博大璧門追琢要從容師儒落落渺千載鍼芥時時還一逢明日鄧林斤斧入可能淵底拔長松

武會試闈中作

禁闈蓮漏已宵深涼月窺人有一臨此地頻來從案牘吾生何日得山林貔貅霧隱三更肅河漢天高萬籟沈火冷燈青無箇事可憐閒殺愛才心

送孫芝房使貴州二首

妙年作賦動明光又策星輅赴夜郎文采邊陲瞻泰斗儀容寸步中宮商沅湘過訪三閭廟宛葉行經百戰場定有新詩傳萬

口歸來吾與解奚囊

六年陳迹吾能記病骨秋風入劍關曾洗人天清淨眼飽看巴蜀怪奇山君今巖壑搜羣玉自有光芒照百蠻不似老夫徒碌碌崑岡一網手空還

書邊裏石詩集後二首

鐫章琢句尋常事激烈心情絕可憐今日詞臣須頗牧古來豪士出幽燕楊家忠義存三疏孫相威名在九邊莫藉文章追往哲要憑肝膽報皇天

苦憶荊州王仲宣投簪浩蕩臥江天三年促膝從予坐四海低頭道子賢北李南何各壇坫楓青塞黑與纏綿因君更逐停雲

想望斷襄陽落照邊

送梅伯言歸金陵三首

金門混迹髮蒼蒼從此菰蒲歲月長人世正酣爭奪夢老翁已泊水雲鄉自繙素業衡輕重久覺紅塵可憫傷祇恐詩名天下滿九州無處匿韓康

徵君絕學冠寰瀛又見文孫樹立宏六葉弓裘傳柏槻百年耆舊數宣城緬懷仁廟虛前席盡訪鴻儒佐太平豈獨當時能

感激至今臣子涕縱橫

伯言宣城人著有柏槻山房詩文集

文筆昌黎百世師桐城諸老實宗之方姚以後無孤詣嘉道之閒又一奇碧海鼇呿鯨掣候青山花放水流時兩般妙境知音

寡它日曹谿付與誰

謝李芋仙二首

巴東三峽猿嘯處太白醉魂今尙存  
遂有遠孫通髀蠻時吟大句動乾坤  
愛從吾黨魚忘水厭逐人閒蝨處  
揮卻笑文章成底用千篇不值一盤飧

勁翻摩空故絕倫吹噓曾未出風塵  
細思科第定何物卻是饑寒解困人  
大道但期三洗髓長途終遇九方歆  
高秋一放脫鞵去看汝飛騰亦有神

次韻何廉昉太守感懷述事十六首

域中哀怨廣場開屈宋而還第二回  
幻想更無天可問牢愁甯

有地能埋秦瓜鉤帶何人種社櫟  
支離幾日培大冶最憎金踊躍那容世界有奇材

慘澹兵戎春復秋濁醪誰信遣千憂  
戰場故鬼招新鬼世事前漚散後漚  
馳逐幾同秦失鹿劬勞祇愧魯無鳩  
何時浩蕩輕鷗去一舸鷗夷得少休

二月長安春始歸觚棱回首夢魂飛  
宮鴉掠日槐陰瘦廢馬嘶風柳絮肥  
東閣賜茶雙鳳闕西郊扈蹕九龍旗  
十年苦憶釣天奏老大真憐未拂衣

滄海橫流澤有鴻微生偶出一當熊  
千艘梭織怒濤上萬幕笳吹明月中  
屠罷長鯨波尙赤戰歸驕馬汗猶紅  
誰知春晚周郎

老更與東皇乞好風

鍾山祠廟巋然存憑弔湖湘烈士魂馬革裹屍男子志鸞刀祭  
膝 聖明恩弓旌夜動神依戶簫鼓春祈福滿門萬世游人應

指點血殷篙眼古時痕

潯陽江水接天長良將新祠皎雪霜半壁東南支柱石數州士  
女薦馨香竟無耆壽追充國猶有嘉名配武鄉匹馬寸金都謝  
絕三明何必數西涼

山縣寒儒守一經出山姓字各芳馨要令天下消兵氣爭說湘  
中聚德星舊雨三年精化碧孤燈五夜眼常青書生自有平成  
量地脈何曾獨效靈

猿鶴沙蟲道竝消誰分糞壤與芳椒昨來皖水三河變堪痛阿  
房一炬焦旬踐池邊醪易醉田橫墓上酒難澆同袍才俊彫零  
盡苟活人間只自嘲

鶴原橫竇第三人鶴唳華亭不復春先軫歸元何日是虞翻相  
骨本來貧科名久滯青雲路身手難扶赤日輪十二萬年香不  
滅從渠擣麝作灰塵

江雪湖波路幾千壺頭歸葬事堪憐鑄金叩叩終何益埋玉深  
深不計年夜月一鉤涼蕙帳春風十萬散榆錢神靈甲馬如相  
助莫遣愁人歎逝川

濫觴初引一泓泉流出蛟龍萬丈淵從古精誠能破石薰天事

業不貪錢腐儒封拜稱詩伯上策屯耕在硯田巨海茫茫終得岸誰言精衛憾難填

幕府山頭對碧天英英羣彥滿樽前共扶元氣迴陽九各放光明照大千短李迂辛雜嘲詭箕張牛奮總安便獨憐何遜今漂泊望斷寒雲暮靄邊

薇閣藤廳淡淡紅多君翔步五雲中良緣彩鳳雙飛翼慧業靈犀一點通典郡四旬書上考闔門八口祀昭忠災祥誰識天公意休向西風泣路窮

由來忠孝易通神初利華鬘識後身石爛海枯終有盡生天成佛豈無人關河庾信空蕭瑟形影陶潛孰主賓雞犬全家存帝

所淮南生計未全貧

荒城風雪臥袁安高節鴻才萬目看嬾讀司空城旦法曾希柱後惠文冠出山馴雉網羅密失水神龍變化難猶有老梅嬌孽發先從三界解春寒

聖主中興邁盛周聯翩方召并公侯神威欲挾雷霆下大業常同江漢流藻火但聞山甫袞桐廬豈有子陵裘鸞鸞臺閣方新構杞梓榷枿一例收

讀吳南屏送毛西垣之卽墨長歌卽題其集

十載鄉園獨爾思眼明今日見新詩嘗憂大雅終將絕豈意吾儕覩此奇木落千山初瘦削風迴大海乍平夷此中真意憑君



會持似旁人那得知

人間骭髀一毛生與子交期如弟兄忽出國門騎瘦馬去看東

海掣長鯨放歌一弔田橫島醜酒還臨樂毅城併入先生詩句

裏干戈離別古今情

五絕

讀李義山詩集

渺緜出聲響奧緩生光瑩太息涪翁去無人會此情

七絕

入陝西境六絕句 十月一日

西風已謝朔風適客子勞勞且未休行過嘉陵三百里飛崖絕

壁又秦州

破曉七盤山上望回看蜀國萬峯環英雄割據終何有陵谷滄

桑事等閒南棧惟七盤嶺與朝天關最高

亂山合處響沈沈古洞千年海樣深獨臥籃輿初夢覺時聞腳

底老龍吟兩山忽合中如長虹名龍洞背下有洞可容數千人

忽憶老筠吾匹儔謂郭汨羅江上苦吟秋未成嘉會方王貢便

恐才名駕應劉

江流日夜走荆襄隴蜀由來四戰場故壘無人談往事空山有

客弔斜陽入秦三十里為百年關關以東水皆東流入沔關以西水皆西流入嘉陵江

七二寒谿沒馱深谿邊茅屋隔楓林歸人正怯征衣薄又聽山

城響暮砧

甯羌州多山澗病涉俗名七十二道脚不乾

題畫竹次醇士前輩韻二首

森森鳳尾一時抽滿地孫枝翠篠稠老幹已凌霄漢上曲江猶  
自憶遨頭

列仙不比山澤臞碧椀瓊漿事有無更向禪宗參玉版花豬竹  
翻官分吾

送唐鏡海先生九首

六年高臥大江隈萬里蒲輪驛吏催京國諸儒齊額手溫公新  
自洛陽來

金殿從容道古今高言字字印天心鐘聲送出東華路已報

槐階轉午陰

摹天繪日本難工聖德何由測六龍白髮老臣私贊歎文如

聖祖武高宗

漳衛滔滔走帝都堯封何事闕溝渠廿年深究齊民術一卷新  
呈水利書

上相南征策眾材軍容十萬轉風雷書生卻進安民策盜弄潢  
池事可哀

秦岱高雲不可攀曾興霖雨在人閒如今老去神功斂祇就君  
王乞放還

道德神仙各有謀行藏雖一事難侔功名不數種司諫出處羞

稱李鄴侯

熙朝正學要匡扶眾說紛紛各啟塗歸語江南諸父老太平天子好真儒

枌榆後進謬升堂習習春風杖履旁此後追陪何日是鏡中吾亦鬢毛蒼

壬戌四月沅弟克復巢縣和州含山等城賦詩四首

濡須塢裏漲春波三月鶯嗁氣正和一騎雲飛新報捷漢家收復舊山河

碧血家家百草腥荒郊五夜泣坤靈將軍一掃陵陽道便有遊人說踏青

半壁山前鐵鎖橫當年諸將各聲名卽今錐鑿西梁下益信

先皇萬里明

師淑韓公二十霜敢將裴令竝論量諸君自有涪溪筆看取寫碑日月光

沅圃弟四十一初度

九載艱難下百城漫天箕口復縱橫今朝一酌黃花酒始與阿連慶更生

陸雲入洛正華年訪道尋師志頗堅慚愧庭階春意薄無風吹汝上青天

幾年橐筆逐辛酸科第尼人寸寸難一劍須臾龍變化誰能終

古老泥蟠

廬陵城下總雄師主將赤心萬馬知佳節中秋平劇寇書生初

試大功時

沅甫初在吉安統兵二萬八年八月十五日克復府城

楚尾吳頭閩戰塵江干無土著生民多君龕定同安郡上感三

光下百神

十一年八月初一日克復安慶欽天監奏是日四星聯珠日月合璧

濡須已過歷陽來無數金湯一剪開提挈湖湘良子弟隨風直

薄雨花臺

邂逅三才發殺機王尋百萬合重圍昆陽一捷天人悅誰識中

軍血染衣

平吳捷奏入甘泉正賦周宣六月篇生縛名王歸夜半秦淮月

畔有非煙

河山策命冠時髦魯衛同封異數叨刮骨箭瘢天鑒否可憐叔

子獨賢勞

左列鐘銘右謗書人間隨處有乘除低頭一拜屠羊說萬事浮

雲過太虛

已壽斯民復壽身拂衣歸釣五湖春丹誠磨鍊堪千劫不藉良

金更鑄人

黃河餘潤沾三族白下飢民活萬家千里親疏齊頌禱使君眉

壽總無涯

童穉溫溫無險巖酒人浩浩少猜疑與君同講長生訣且學嬰

兒中酒時

甲子八月二十日沅甫弟四十一生日爲小詩十三首壽之  
往在壬戌四月沅弟克復巢縣和州含山等城余賦詩四首  
一時同人以爲聲調有似饒歌而和之此詩略仿其體以徵  
和者且使兒曹歌以侑觴國藩識

第 35772 号

平成 3.11.22

聖和學  
園短大  
圖書館

928

1

1

